

Go KGODIŠEGA

MORAGO GO AMEGA

 Ke a go leboga, kudu, Ngwanešu Parker.

Mantsiboa a mabotse, bagwera. Ke mo gobotse go ba mo bošegong bjo gape. Gomme ke a thanka le lapile ka go dula, le ntheetditše. Gomme ke bile—ke bile go lapa kudu, go ba makgwakgwa, go ba makgwakgwa gannyane go tšwa go rereng thata.

² Ke nno bolela le Ngwanešu Parker fale, le go mmotša gore ke a dumela ye ke ye nngwe ya dikopano tše kaonekaone tše Morena a ntumeletšego go ba ka go tšona nako ye telele. E be e se ye kgolo, le tseba se ke se rago, eupša ga se ye kgolo kudu. Go be go se ba bantši kudu ba ba e tsenelago, eupša bo—bo—bo boleng bja yona, bo be bo makatša. Tumelo, nna, go lebega o ka re e ka ba eng e be e ka direga. Ke rata mohuta woo wa kopano moo le no ikwelago o ka re feels e ka ba eng e ka diregago nako e ka ba efe. Gomme ke—ke rata seo. Gomme ke na le nnete go tla ba dipoelo tša neng le neng, gomme e tla ipontšha ka boyona godimo.

³ Ka kgonthe ke rata kgotlelelo ya lena yohle, go dula, go ntheetše ke rera lebaka la diiri, gomme morago la bowa morago bošego bja go latela. Ka nnete le kgona go emela kotlo ye ntši. Le a bona? Kafao ke... Ke a tseba le na le kgotlelelo ye ntši ye botse. Kafao re...

⁴ Ke nyaka go re, go rena bohole, gore re a le leboga, go yola Ngwanešu Thomas. Ke no se kgone go hlagiša maikutlo a ka bakeng sa Ngwanešu Thomas. O, ke naganne ke mo tsebile, eupša ke bile le yena go mo hlakanya le yo mongwe gape. Ke swanetše go šikinya diatla le wa gagwe yo bohlokwa, mosadimogatša yo monnyane. Gomme ka kgonthe ke bahlanka ba Kriste. Gomme ka kgonthe ke holofela gore, Modimo ge a rata, gore ditsela tša rena di tla putlagana, makga a mantši gape, ka bophelong.

⁵ Ge nkabe ke be ke le lena batho, gomme ke phetše tikologong fa, kereke ya gagwe e be e tla ba lefelo leo ke tla bego ke eya. Kafao ke—ke a ba rata, monna yo...

⁶ [Ngwanešu Parker Thomas o re, “Ke hloya go tsenatsena Ngwanešu Branham ka mokgwa wo, eupša ke a nagana go tla loka ka go tiragalo ye. Ke mo leboga bakeng sa dithetho tšela le selo sela se sebose a se boletšego. Ke nno makala ge eba batho tikologong fa, le bohole ba tsenetšego kopano ye, ba tla rata go ba le yena go bowa morago gape. Go reng ka seo? Yo mongwe le yo mongwe o a se nyaka?” Phuthego e opa magoswi—Mor.] Ke a le leboga. [“Gabotse, a le ka rata go yena go tla morago June ya

go latela le—le go no dula le rena? Ge le dira, emang ka maoto a lena. Etlang godimo.”] Ke a le leboga. [“Go lokile. Dulang”].

⁷ Ke a go leboga, kudu. Seo ka kgonthé ke se sebotse. Ke a go leboga, Ngwanešu Parker. Ke kudu . . . [Yo mongwe o bolela le Ngwanešu Branham—Mor.]

⁸ O rile ditshenyegelo tšohle di be di lefetšwe, le se sengwe le se sengwe. Re a le leboga tirišanommogo yohle ye kaone, thušo, gobane, le a tseba, go a bitša go ba le dikhonferense tše. Gomme kafao se sengwe le se sengwe se lefetšwe. Seo se kaone kudu. Re no leboga. Se sengwe le se sengwe, ka gare le godimo.

⁹ Morena o phološitše, o fodišitše, gomme se sengwe le se sengwe se diregile, kafao re no ba re thabile go ba se . . . go boneng se. Ke hloya go bona kopano ye e eya ka go histori. Eupša e tla tla godimo gape go . . . Tsela morago, ka dinakong tše di tlago, re tla bona dipuelo.

¹⁰ Bjale re nyaka go leboga yo mongwe le yo mongwe gape bakeng sa, ke nyaka go, bakeng sa dimpho tše dinnyane tše go le di rometšego go nna lebakeng la nako ye. Ke leboga seo kudu, kudukudu.

¹¹ Gomme bjale, re ya bjale tlase go etela Ngwanešu Bigbee ka Carolina Borwa, Columbia, Columbus, Carolina Borwa. Gomme re swanetše go ba kua gosasa bošego le Labobedi bošego, le Ngwanešu Bigbee. Morago re ya godimo go Lebopo la Bodikela.

¹² Ke nyaka go le kgopela, gomme ka gona, go tloga fao, ke a nagana, morago ga ge re feditše lessolo le godimo kua, Ke nyaka go ya Afrika, Australia, New Zealand, le go kgabola fao. A nka kgopela dithapelo tša lena bakeng sa ka, gore Modimo o tla nthuša? [Phuthego e re, “Amene.”—Mor.] Gomme ke le leboga kudukudu.

¹³ Gomme re thabetše dilo tšohle kudu. Ke bolela seo bakeng sa nnamong le bakeng sa batho bao ba lego fa go tšwa tabarenekeleng. Ke na le ba rena . . . goba ba bangwe ba bahlokamelaphahlo ba rena mo, le matikone, le ba bangwe ba bagwera ba ka go tšwa tlase kua.

¹⁴ Modisa wa rena o mo. Ga se ka ke ka kgona go bona Ngwanešu Neville. Ke a thanka o tsebišitše. A o dirile? [Ngwanešu Parker o re, “Ya.”—Mor.] Ya. Ngwanešu Neville. O go kae, Ngwanešu Orman. Ke no se kgone go go bona. Gomme, oo, nna! Morago kua, feela bogolo bjalo. Etla godimo mo motsotso.

¹⁵ Monna yo, ke mo tseba go ba mohlanka wa therešo wa Kriste. O be a le Momethodist wa wulu ya go taiwa, gomme morago o amogetše Moya wo Mokgethwa. Bjale ke Momethodist wa Moya wo Mokgethwa. Yo ke modisa wa rena yo bohlokwa.

¹⁶ Ke nyaka go šikinya seatla sa gago, Ngwanešu Neville. [Ngwanešu Neville o re, “Ke a go leboga. Modimo a go

šegofatše. Gabotse go go bona.”—Mor.] Ke a go leboga. Go ne madulo . . . ? . .

¹⁷ Ke tsebile Ngwanešu Neville lebaka la mengwaga, le wa gagwe wa go ratega, mosadimogatša yo monnyane, ebile le pele ba nyalana. Gomme mengwaga ye ke mo tsebilego, ga se a tsoge a fetoga nthatana e tee, o nno ya godingwana ka go Modimo. Yeo ke phetho. Eupša ke seikokotlelo. Re a mo rata bjale bjalo ka modiša. O bile ka kua lebaka la mengwaga, gomme re a holofela o dula go fihla Jesu a etla, ge e le thato ya Morena.

¹⁸ Gomme a o ka no rata go bolela lentšu go batho, Ngwanešu Neville?

¹⁹ [Ngwanešu Neville o re, “Gabotse, ka kgonthé ke thakgetše go ba fa makgatheng le monna yo wa go loka wa Modimo, woo e bile monyetla wa ka go hlakana le yena lebaka la mengwaga ye lesome ye. Ga ke tsebe ge eba ke dirile Gehasi yo mokaone, goba aowa, eupša ke lekile go rwala lepara bakeng sa monna yo wa Modimo. O feta mogwera go nna. O bile, bjalo ka ge go bile, tate ka go Ebangedi, go nna, gape, le ge ke mo feta ka mengwaga e se mekae ka bogolo—Mor.]

²⁰ [“Eupša, efela, ke thabile kudu, gape, go ba ka kopanong ye. Se sengwe se ntshwere fase mo ka Borwa bja Pines, gore ke rata lefelo le gabotse ka kgonthé. Gomme ke ipshinne ka lona kudu. Ke a tseba gore Modimo o bile le seatla ka go nna go kgona go tla mo le go ba le Ngwanešu Branham ka kopanong ye. Kafao, ke thabile kudu ka go beng fa, gore dilo di no šoma ka maswanedi le go makatša kudu, gore ke no se kgone go tumiša Morena go lekanelia, bošegong bjo, bakeng sa sohle se.]

²¹ [“Eupša, ka godimo ga tšohle, ke rile, ge ke tlie mo, go na le selo se tee seo se beago sehloa sa kopano ka moka go nna, gomme seo ke Lentšu le la Modimo. Amene. Nka se ke . . . Ge nka se tsoge ka bona motho a fodištšwe, ge nka se tsoge ka bona e ka ba mang a rapelela balwetši, ge Modimo a no tšwelapele go mpho Lentšu la Gagwe, go ne lethabo le le tlatšago soulo ya ka, le go tla go tšwa botebong bja maoto a ka go ya ntlhoreng ya hlogo ya ka, Lentšu le la Morena. Gomme, amene.]

²² [“Ke thabile gore Modimo o šegofaditše iri ye ya mohlanka le moprofeta wa Modimo. Gomme ke ikwetše Tšhegofatšo e etla go tloga go yena go tla go nna, kafao ke thakgetše ke swanetše go ba fa. Ke a holofela lena bohole le ikwetše selo sa go swana seo ke nago le sona, ka go ditirelo tše. Modimo ka kgonthé o šegofaditše mohlanka wa Gagwe tlase fa go lefelo le. Lebaka ke tsebago seo, o e hlagišitše nakwana ya go feta. Le dilo tše kgolo le tše maatla tše re nago natšo ka Tumelo, bošegong bjo!]

²³ [“Tate, Beibele e a re ruta, ga re hloke go ba le dilo di bonagala. Tšohle re di hlokago ke, ge re rapela, re dumela, gomme re šetše re se hweditše. Amene. Ke na le bona bjale, gobane ke ka tsela ye Beibele e bolelago ke yona. Gomme ke

thabela ka go seo, gobane Modimo o dira dilo tše tša go makatša ka yo, modiša wa rena, mohlanka le moprofeta wa Modimo, Ngwanešu Branham. Gomme a nke Morena ka mehla a mo šegofatše le go tšwelapele go mmoloka ka Tsela ye. Tumišang Morena!"]

Modimo a go šegofatše, Ngwanešu Neville, go tšwa pelong ya rena yohle.

²⁴ Bjale, le a tseba, ge o eya phikiniking, ge yo mongwe a hlometše mohlare wo monnyane felotsoko, gabotse, o ka se kgone, ga o tsebe ge eba o sa le gona goba aowa, le a bona, gobane o nno bewa ntle, o hlometšwe, goba se sengwe. Eupsa ge o tseba go na le mouuko wa kgale woo o no go dula go iketla, wena gabotse botse o ka kgona go nagana ka go ya ka tlase ga mohlare wola le go khutša. Yoo ke Ngwanešu Neville, wa go no swana letšatši le lengwe le le lengwe, go no ya pele. Kafao ke thabetše seo kudu.

²⁵ Re na le—re na le ngwanešu yo mongwe mo, modiša yo monnyane, yo mongwe wa dikereke kgaetšedi tša rena tlase kua. Ge a sa tle godimo, ke tla mo rata a emelele, Ngwanešu Junior Jackson, Momethodist yo mongwe a tladišwego ka Moya wo Mokgethwa. Junior Jackson, o kae? Ngwanešu Junior Jackson, Momethodist, a tladišwego ka Moya wo Mokgethwa. Šo yena, thwi *mo*, Ngwanešu Jackson. O nyaka go bolela se sengwe, goba e ka ba eng o nyakago go se bolela? Go lokile.

²⁶ Yo mongwe fa ke Ngwanešu Palmer, yo mongwe wa banešu fa. A o ka no emelela, Ngwanešu Palmer? Modiša go tšwa tlase ka Macon, Georgia, ke yo mongwe wa bagwera ba rena.

²⁷ Gomme Ngwanešu Fred Sothmann, ke a tseba o mo. Ke yo mongwe wa bahlokomelaphahlo ba rena ka kerekeng. O go kae, Fred? Felotsoko ka fa, o dutše morago ka morago.

²⁸ Ngwanešu Banks Wood, o go kae, Ngwanešu Banks? Ke yo mongwe wa bahlokomelaphahlo ba rena, godimo *mo*.

²⁹ Ngwanešu Banks o be a le Hlatse ya Jehofa, le a tseba. Gomme o tlide ka kopanong, gomme o be a na le mošemane wa segole, David, leoto la gagwe le gogetšwe godimo, ka polio. Gomme ke be ke le ka kopanong ya tente, gomme sa pele o be a bone... O be a le fao ka—ka Dallas, bošego... goba, Houston, ge Moya wo Mokgethwa o tlide fase ka sebopego sela sa Seetsa sela, gomme ba tšere seswantšho sa Sona. Ngwanešu Wood o be a le fao. Kafao, ke be ke sa mo tsebe nako yeo. Gomme kafao o na le tšhelete ya go lekanelo mmogo. Ke rakonteraka. O tlide godimo kopanong ye e latelago. Ke ile mošwamawatle, go tloga fao, gomme ke ile kopanong ye e latelago. O be a na le mošemane wa gagwe wa segole, le polio. Gomme ge re be re... Ke be ke eme fale ka tlase ga tlotsa ya Moya wo Mokgethwa, wa ya morago go kgabaganya lešaba, gomme wa bolela le yena. O mmoditše tšohle ka ga yona. O mmoditše go ema.

³⁰ David, o go kae? A o mo, bošegong bjo? Ya. Mošemane yo a bego a golofetše, yoo ke yena. David, ge batho ba sa dumele gore Modimo a ka kgona go fodiša monna yo a nago le leoto la gagwe le phetlegile ka polio, le dilo, ke duma o ka no sepelela ntle kua, motsotsa feela, go ba laetša ka mo o kgonago go sepela. Ya. Fa, go no se dire pontšho ya phatlalatša, eupša feela bopaki. Fao, le a bona, ebole ga go go hlotša goba selo gape, go lekanela ka go phethagala le go thakgafala. Le a bona? Ka kgonthe go, go makatša ka kgonthe, se Morena wa ren a ka kgonago go se dira. Bjale, ge A ka mo direla seo, gabaneng, O tla se direla yo mongwe gape. Le a bona? Kafao, kgonthe, e no ba ge re ka kgona go hwetša mohuta wola wa tumelo.

³¹ Bjale, nnete, lena bohole le tlwaelanego, go tseba Ngwanešu Ben tlase fa. O no... le a tseba, monna yo yoo le kgonago go mo kwa ka godimo ga yo mongwe le yo mongwe, a re, "Amene." Ke tla le botša gannyane. Ke hloya go bolela se godimo ga gagwe; mosadimogatša wa gagwe a dutšego fale. Bohle re rata Ben. Gomme e bile pele a nyala. Ke be ke le ntla ka Lebopong la Bodikela. Gomme mošemane yola o tšwa borwa bja Indiana.

³² Ke be ke le ntla kua ka Lebopong la Bodikela, ke no rera, godimo ka bošego bjo bongwe, Moedi wa San Fernando, moedi, le batho ba Baptist, tente ye kgolo e tletše batho. Bjale, ba mohuta wa batho ba go thakgafatšwa, le a tseba. Gomme ke be ke no rera. Thwi ke kwele lesata le go tswinya; moriri wo moso wa go tšhoša, o šikinyega, boka—boka—boka Momexican; maoto a mabedi a magolo a hlabile godimo ka moyeng; diatla tša gagwe ka mokgwa *wola*. Ke eme. Ke rile, "Ben, o fihlile kae ntla fa?" O be a le fale.

³³ Modimo a go šegofatše, Ben. Ga o fete go no emeleta, e no emeleta, wena le mosadimogatša wa gago. Re tla no rata go batho go... Ngwanešu Ben, ke yo a bego a dira "diamene" tšohle tlase *mo khoneng* ye mo. Modimo a go šegofatše. [Ngwanešu Ben Bryant o re, "Re duma dithapelo tšohle tša gago. Re tshepa go ya morago ka tšhemong ya boromiwa, pele ga botelele kudu, go ya ka dithabeng, Ngwanešu Branham."—Mor.] Amene. Modimo a go šegofatše.

³⁴ Ngwanešu Way, moromiwa yo mongwe, a lekago go hwetša tsela ya gagwe godimo ka mašemong a boromiwa. O na le ren, bošegong bjo. Re a mo tseba. O be a diilela tlase tseleng ya rena lebakana. O go kae, Ngwanešu Way? A o ka kopanong? Thwi *fa*, le mosadimogatša wa gagwe. Gomme bjale, ke a le botša, ntwa gare ga Engelane le Norway e fedile. Ke monna wa Moisimane, gomme ke Monorwegian. Go fedile. Batho ba go ratega. Ee, mohlomphegi. Ntwa e fedile.

³⁵ Ngwanešu Boze o be a le tlase, bošegong bjo bongwe, a bontšha seswantšho sa gagwe, gomme a re, "Oo, gabotse," o rile, "mosadi šole..." Yoo ke Kgaetšedi Sothmann. Gomme ke

duma ge nkabe ke mo dirile gore a emelele, le Fred, ka mo felotsoko. Batho ba go ratega. Gomme ke Monorwegian. Nnete, Ngwanešu Boze ke—ke Moswede. Gomme o rile, “Hmm! Hmm!” Le tseba ka mo Joseph a dirago. O rile, “Go na le mohumagadi mo, kgaetšedi,” o rile, “ke Monorwegian.” A re, “Nnete, ge o sa kgone go ba Moswede, ke mo go botse go ba Monorwegian.”

³⁶ O tšwetše ka ntle, o lebeletše godimo go nna. Gomme ke rile, “Nnete, Joseph, go befile kudu gore bohle ba ka se kgone go ba Moirish, Mairish.” Kafao bohle re ne tshegišo tlase fale.

³⁷ Ngwanešu Higginbotham, o go kae? Tikologong fa felotsoko, gabotse, monna yo mongwe wa bomodimo go tšwa tlase tseleng ya rena. Yo motee yo e bego e le mohlokomelaphahlo ka kerekeng tlase kua, lebaka la mengwaga le mengwaga. Gomme mogwera wa gagwe, Kgaetšedi Arganbright, Kgaetšedi Ruth Arganbright, thwi mo. Ke a dumela o dutše ntle mo ka mokgobeng. Emeleta. Ke ba bakae ba tsebago Minor Arganbright? Yo mongwe wa batlatša dipresidente tša Full Gospel Business Men, motswala go yena.

³⁸ Oo, nna! Ge e ba nka hlologela yo mongwe wa lena magagešo! Nna, ke ikgantšha ka lena, yo mongwe le yo mongwe. Ke thabile o godimo fa le rena. Ga re tsebe, go ya ka gare le ka ntle.

³⁹ Ngwanešu le Kgaetšedi Dauch ba dutše fale, le bona, le Kgaetšedi Brown, Ngwanešu Brown.

⁴⁰ Ngwanešu McKinney, moreri yo mongwe wa Methodist ka Moya wo Mokgethwa. O go kae, Ngwanešu McKinney? O go kae, tikologong mo? O tšwa godimo ka Ohio. *Mo*, moragorago mo, yo mongwe wa mmakgomathe, a tswetšwego ka go Lentšu le, Momethodist yo a šikinyeditšwego ntle. Yeo ke therešo. Bjale, kolobetšo ya Moya wo Mokgethwa, o sepelela pele bakeng sa Modimo.

⁴¹ Pat Tyler, mogwera wa ka yo mongwe wa hlogo ya kgomo a dutšego godimo mo. Ngwanešu Pat, emeleta. Bohle le ka no ba le tseba Pat Tyler. Ke a go leboga, Ngwanešu Pat. Modimo a go šegofatše. O be a le mohlokamolao, monna wa sethunya, mmolai. Modimo o mo pholosítše le go dira mokgethwa go tšwa go yena. O kgopela go tšewa kgopu go kgabaganya naga, go latela dikopano le dilo.

⁴² Le tseba se ke naganago ka batho ba, gore ba tšwa kae? Ke naganago ka Bahebere, tema ya 11, “Ba segilwe go putlaganya, gomme ba tlaruma go dikologa ka matlalo a dipudi le letlalo la nku, bao lefase le sego la ba swanela.” Bohle ba rwele bopaki bja bona.

⁴³ Tom Simpson, Tom o kae? A o tlile godimo? Ke naganne ke bone koloi ya gagwe ntle fa. Yena le lapa la gagwe, ke naganne o be a le fa. Mohlomongwe ke be ke fošitše. Ee. Bob godimo le

fase boka mokgamo godimo ga lešika la go thea dihlapi ntle kua, “pampa-pampa,” ka mokgwa woo. Go lokile.

⁴⁴ Morena a le šegofatše bohole. Re thabile go ba mo. Šeba ba bangwe go tšwa Georgia, mafelo a go fapanā. Gomme re thabile lena bohole le mo, le go kopana, ga bagwera ba rena ba kgale.

⁴⁵ A ke lebeletše Kgaetšedi Peckinpaugh go tšwa Chicago? Ke naganne ke be ke le. Gomme Kgaetšedi Little, gomme kgauswi le yena, le—le Kgaetšedi D'Amico, ba bohlokwa, batho barategi go tšwa Chicago, sehlopha sela sa basadi bao ba bilego go ratega kudu go nna.

⁴⁶ Gomme ba bangwe ba dutše mo. Ngwanešu, ebole ga ke kgone go bitša leina la gagwe, le go tšwa tlase ka Georgia felotsoko. Ke... Bohle bao, oo, nna, ba no ba boka bohole ba kgomaretše fa. Re thakgetše go ba ka go kopanelo ye.

⁴⁷ Motšofe Ngwanešu Bosworth o be a fela a mpotša, o rile, “Ngwanešu Branham, a o a tseba kopanelo ke eng?”

Ke rile, “Ke nagana bjalo.”

⁴⁸ O rile, “Ke baisa ba babedi feela ka sekepeng se tee.” Kafao ke rena bao, eupša re ne kopanelo. Morena a be mogau go lena.

⁴⁹ Ke a le leboga bakeng sa tšohle le di dirilego. Gomme ke tla bea ye nngwe ya tše, kopano ye, tlase mo lenaneong la ka, bjalo ka ye nngwe ya mebaraka ye mehubedu ya matšatši a bodiredi bja ka, bakeng sa tirišano ya lena ye kaone, banešu le dikgaetšedi ba bakaone ba, le yo mongwe le yo mongwe go amogeleng kudu. Ke ikwela bjalo feela ka gae, go fihla ke rerile nnamong makgwakgwa.

⁵⁰ Bjale, Ngwanešu Ned Iverson o ya go tšwetšapele ditirelo morago ga ka, tlase ka—ka Columbia, tlase le Ngwanešu Bigbee. Ngwanešu Ned, a o ka gare, bošegong bjo? Ga ke tsebe ge eba... Ee, morago ka morago. Mopresbyterian, o tladitšwe ka Moya wo Mokgethwa. Uh-huh.

⁵¹ Le Ngk. Lee Vayle le mosadimogatša wa gagwe, ba bohlokwa, bagwera barategi ba ka. Ngwanešu Vayle o šomile le nna ka kopanong, mogwera yo bohlokwa. Ke a thanka banna ba bohole ba tsebišitšwe le dilo. A o mo, Ngwanešu Vayle? A o ka moagong, bošegong bjo? Morago ka morago. Morena a go šegofatše. Kgaetšedi Vayle, o go kae? Ga ke fete go le šišinyetsa. Modimo a go šegofatše, kgaetšedi. Re thabile kudu go ba le bona bohole fa.

⁵² Gomme lena bohole nthapedišeng bjale. Gomme ke no be ke sepelela pele ka tumelo, ke dumela gore, bontšintši nako e ka ba efe, re ka bona go Tla ga Morena. Ga ke tsebe feela gore bjang, neng, kae, eupša ke nyaka go ba komana ge A etla. Gomme dinako tše dingwe nka no nagana e ka no ba ka tsela ye, gomme e ka no ba ka tsela ye nngwe. Eupša, go le bjalo, ke nyaka go ba fao ge A etla. Ke nyaka go ya le Yena. Bjale, yeo ke tlhologelo ya ka.

Gomme e sego feels gore ke nyaka go ya; ke nyaka bohle bagwera ba ka, gomme ke nyaka ohle manaba a ka, go ya, le bona. Ke nyaka yo mongwe le yo mongwe go ya.

⁵³ Ke bile le pono ye nnyane, goba, ga ke nyake go e bitsa phetolelo. Ga se nke ka ba le pono boka yeo. Ke be ke eme godimo kua ke o lebeletše, ke lebeletše morago go nnamong, mo kgauswana. Bontši bja lena le e badile ka go dikgatišobaka le dilo. Bagwera, le—le ka se kgone go foša yeo. Feela le se e dire.

⁵⁴ Bjale, go na le felotsoko fao. Ke be ke le fao feels bjalo ka ge ke le mo, ke lebeletše morago go nnamong. Ke bile le dipono. Ke tseba se dipono di lego. Ge yeo e be e le pono, e bile yona ya go tlaba kudu nkilego ka ba le yona. Gomme ke bone batho, bao ba ilego pele. Ke ba bone fale. Batšofe ba be ba le baswa. Gomme ba be ba eme fale, batho feels boka ke le, feels ntle le sebe. Go be go le ka godimo ga phethagalo. Bothakga! O—o be o no se kgone go bolela se le bego le le sona.

⁵⁵ Gomme ge ke tsebile gore ke ile ka swanela go bowa morago, go be go le selo se tee feels, gore, ke tla bowa, go leka go phegelela batho. E ka ba eng o e dirago, o se le foše. O se le foše. O se le foše. O ka se kgone go le foša. Se sengwe le se sengwe gape, a nke se sengwe le se sengwe gape se sepele, eupša dira ditokišetšo bakeng sa leo, le a bona, e ka ba eng o e dirago.

⁵⁶ Ke tla be ke eya ka mašemong a boromiwa bjale, ge Morena a rata, marega a, ge ke bowa maeto a, kafao ebang thapeleng bakeng sa ka. Gobane, fa go bonolo, gatee mo lebakaneng o bona moywa ditšhila o etla ka kopanong le go leka go šitiša. Eupša ka go wona mafelo, bao ke dingakabaloj le bodiabolo. Bokaonana o tsebe se o bolelago ka sona. Ka kgontha o swanetše. Gobane, ke matimone, gomme a tla go hlohla thwi fase. Eupša, oo, bjang, ga go nako e tee. . . . Ke e bolela ka seatla sa ka mo Beibeleng ya ka. Ga go nako e tee, gomme le a tseba le ka eleletše ke makga a makae go dikologa lefase go hlohliwego, eupša se Modimo a sepeletšego ka gare go lefelotiragalo le go kgeila digaretene morago, le go ipontšha Yenamong, Modimo, feels go swana bjalo ka ge A bile nakong ya Eliya. O sa le Modimo. Ya. Ga go nako e tee. Ke ka lebaka leo ke. . . .

⁵⁷ Ba bangwe ba lena, badiredi ba bangwe, ba a tla gomme ba nkgopela go tla mafelong a bona. Ke leta go fihla ke ikwela ke hlahlwa go ya. Ka gona ge ke etla, ke no tla ka leina la ka mong, ge ke etla ka mokgwa woo, go no ba mogwera wa gago. Eupša ge ke ikwela ke hlahlwa go tla, gona nka kgona go tla ka Leina la Morena Jesu. Tloša maoto a gago go tloga go lefelo lela, ke la ka. Amene. Ke a le tsea gohlegohle, Leineng la Jesu Kriste. Gona o swanetše go kopana le Yena ntle fale nako yeo, gobane o moemedi wa Modimo nako yeo. Eupša bjale, ge kereke ye nngwe e go roma, goba, mogwera yo mongwe a go bitsa, se sengwe, o no

ya, o tšea o ka re gape. Nna, go tšea o ka re! Ke a thanka le lapile go theetša yela.

⁵⁸ Bjale a re phetleng ka go Beibele ya kgale ya mogau. Gomme pele re dira seo, a re rape leng. Le a bona, re a bolela, le—le go ya pele, gomme bjale a re tsemeng bogare menagano ya rena go Mo dikologa bjale lebaka la metsotso e se mekae ya go latela.

⁵⁹ Tate wa rena wa Magodimong, re be re leboga batho ka botho bja bona, le a magolo a bona, maikutlo a bofakudu go rena, gomme re ba thabela bjang. Gomme bjale, Tate, re nyaka go Go leboga, ka godimo ga tšohle, ka gore ke Wena, Morena, yo a dirilego se. Ke Wena yo a re šegofaditšego le go re dira re dule mmogo ka mafelong a Magodimong ka go Kriste. Sathane a ka be a šitišitše le—le go senya kopano ya rena. Eupša O nno re rata gabotse kudu, go fihla O no re dumelela bohole go kgobokana mmogo le go ba le kopanelo go dikologa Lentšu. Gomme re e thabela kudu, Modimo. Le ge re ka ba makgwakgwa gannyane go tšwa go goga ka kgara ga segalontšu sa lentšu, Morena, ke sa tšo ba le nako ye bjalo ya go makatša, go ikwela Moya wa Gago o šegofatša soulo ya ka. Lentšu, le no se nyake selo, le no ela boka dinoka, go fihla ke no swanelo go dula fase. Modimo, ke leboga seo kudu.

⁶⁰ Gomme a nke Ngwanešu Parker wa rena, le bašomi bohole ba gagwe, le lefelo le le re laleditšego, Morena, a nke ba šegofatšwe. Ba fe disoulo tše dikete. Ekwa, ge ba rapelela balwetši. Ekwa dithapelo tša bona, Morena, gomme fodiša balwetši. Gomme ge ba leka go dira se sengwe Leineng la Gago, se hlomphe, Morena. Ba fe kenywa ya Moya. Gomme... Gomme ba fe tlhologelo ye kgolo ya pelo ya bona, Morena, disoulo bakeng sa mošomo wa bona. A nke, ka Letšatši lela ge re eme kua pele ga Gago, a nke disoulo di tšwe mogohle, ba lahlela matsogo a bona go dikologa yo bohlokwa yo, monna wa bomodimo le bašomi ba gagwe, “Ge nkabe o se wa dula mo tšhemong, Ngwanešu Parker, nkabe re se mo.” O Modimo, re a tseba gore ke kganyogo ya tlhokofalo ya mohlanka yo mongwe le yo mongwe wa therešo wa Kriste, ba tseba gore ba ka kgona go hlahlala ba go šokiša, batho ba ba lahlegilego go ya go Kriste yo a phološago. Ke leboga Wena ka yona yohle.

⁶¹ Gomme bjale, Morena, re a rapela bjale gore O tla šegofatša yo mongwe le yo mongwe. Gomme šegofatša dikopano tše di tlago godimo, mogohle. Eya le legae le lengwe le le lengwe. Eba le bona ge re tloga, bosegong bjo, go ya magaeng a rena a go fapano. Eba le rena mo tseleng. Dula go leotwana. Bea lenaba kgole le rena, Morena. Gomme ke a rapela gore O tla fa dilo tše.

⁶² Bjale re fe tlhologelo ya dipelo tša rena, kgopelo ye nngwe le ye nngwe, bosegong bjo. Gomme ya ka ke, Morena, gore O tla re ngwathela Borotho bja Bophelo gape, bosegong bjo. Go ne e ka ba bafe fa ba sa phološwago, ba phološe. Tlhoko e ka ba

efe Moya wo Mokgethwa ka go kolobetšo, a nke O tle bošegong bjo. Balwetši e ka ba bafe; ba fodiše. Go lapa e ka ba gofe; ba fe thabo. E fe, Morena. Šegofatša Lentšu la Gago bjale ge re Le bala, gomme a nke Mongwadi a re fe kgwekgwe. Re kgopela Leineng la Jesu. Amene.

⁶³ Mokgethwa Johane, tema ya 1, 35 go ya go 41, ke rata go bala Mantšu a bohlokwa a.

*Gomme gape letšatši le le latelago ka morago ga ge
Jesu a eme, gomme ba babedi ba barutiwa ba gagwe; . . .
(Ntshwareleng.) . . . morago ga ge Johane a eme, le ba
babedi ba barutiwa ba gagwe;*

*Gomme a lebeletše go Jesu ge a be a sepela, o rile,
Bonang Kwana ya Modimo!*

*Gomme barutiwa ba babedi, barutiwa ba babedi ba mo
kwele a bolela, gomme ba latetše Jesu.*

*Ka gona Jesu a retologa, gomme a ba bona ba latela,
gomme a re go bona, Le nyaka eng? Ba rile go yena, Rabi,
(ye e lego go re, ge e hlathollwa, Mong,) o dula kae?*

*O rile go bona, Etlang gomme le bone. Gomme ba tlile
le go bona mo a bego a dula, le go dula le yena letšatši
leo: gobane e be e ka ba iri ya lesome.*

*Yo mongwe wa ba babedi ba ba kwelego Jesu goba . . .
Johane a bolela, gomme ba mo latela, e bile Andrea,
ngwanaboo Simone Petro.*

*Sa pele o hwetša ngwanaboo mong Simone, gomme o
rile go yena, Re hweditše Mesia, e lego, ge e hlathollwa,
Kriste.*

*Gomme o mo tlišitše go Jesu. Gomme ge Jesu a mo
lebeletše, o rile, Wena o Simone morwa wa Jona: o tla
bitšwa Kefase, e lego ka tlhathollo, Letlapa.*

⁶⁴ Bjale a nke Modimo a oketše ditšhegofatšo tša Gagwe go Lentšu le. Bjale, ke nyaka go goga, bošegong bjo, ge Morena a rata, bakeng sa le lennyane, bakeng sa le—le lentšu, mantšu a mabedi ke nyakago go a šomiša go tšwa fao. Mantšu a mabedi ke nyakago go a šomiša ke go “amega” le go “kgodišega.”

⁶⁵ Bjale, bjalo ka ge re tseba, gomme bohole re a dira, gore bjale re bona go fola go gogolo, go dikologa ditšhaba. La mathomo ke thomile ntle, go be go le magadigadi a mantši ka kopanong. Batho ba be ba le ka dikopanong tša thapelo, mogohle. Ba swaswaladitše, maphephe a ntshwaswaladitše. Mosadi yo motee o otletše dimaele tše dikete tše tharo ka sefataganantefe, go no ya kopanong ka Canada. Ga ba sa amega gape. Go bonala o ka re go fetogile go wa. Gomme go bonala o ka re ga go na go amega go gontši kudu, ga se go gontši kudu, go le bjalo, ga se bontši ka fao go swanetšego go ba. Go amega go gonyanye kudu.

⁶⁶ Bjale, kamego e nnoši re nago le yona, ga se tšona dikopano tša bošego bjhohle. Ge, ke—ke dutše sefaleng gatee lebaka la matšatši a seswai le mašego, ntle le go tloga, ke leka go rapelela batho bohle. Gomme bofelong, go be go le batho ba dikete tše masomenne le metšo ba letile go rapelelwā. Le a bona? Ga se ke kgone go e dira. Eupša ba be ba tla tšea sehlopha ka tsela *ye*, le go ya ka dithokgweng; ba be ba tla tšea sehlopha ka tsela *ye*, go ya dithokgweng; badiredi ba rapelela batho go kgabola go kolobetšo ya Moya wo Mokgethwa. Go no se kgone go khutša go fihla ba amogetše Moya wo Mokgethwa.

⁶⁷ Ke kgopela tshwarelo ya lena. Ke rile dikete tše masomenne pedi. Ke a dumela, le tla lebelela godimo ka go kgatišobaka, go be go le dikete tše masomapedi seswai, e be e le, bao ba bego ba sa letile. Lebaka la dimaele go dikologa Jonesburg, go be go se le ge e ka ba lefelo leo o bego o ka kgona go hira. Le ditoropokgolo tša tente godimo, le se sengwe le se sengwe. Ga ba sa amega gape. Le a bona? Mello ya tsošeletšo e a rorela.

⁶⁸ Go amega, ke bjale, “E no tla gomme o tšoene kereke.” Goba, kamego ye kgolo ke, “Thekgang boromiwa tsoko bja seyalemoya, goba taba tsoko ya thelebišene, gomme le dire mohuta tsoko wa pontšo,” le bakeng—bakeng sa ye botse, nnete, kgonthe. Meago ye megolo, go aga dikolo tše kgolo, le go ya pele, ka mokgwa woo. Go bonala o ka re yeo ke—ke kamego bjale. Mohuta wa go lahlegelwa ke pono ya thapelo yela le go phegelela, le boka ba be ba tlwaetše go ba. Go na le se sengwe se diregile. Ke tla no rata go tseba se e bego e le sona. Gomme bjale ga ba bonale go amega ka sona.

⁶⁹ O ka kgona go etela kereke *ye*, goba wa bitša batho go tla aletareng, gomme go be go tlwaelegilego ba be ba tla no kitimela aletareng. Gomme ke bone nako ge ke be ke sa rera, pele ebile nka fetša theroy ka, aletara le godimo le fase mekgoba e tla lokologana ka batho. Ke bone nako yeo Moya wo Mokgethwa o tla sepelelago ntle ka go batheeletši, le—le go akanyetšapele le go botša yo mongwe se sengwe, gomme batho ba tla kgahlega le go no idibala thwi mo setulong sa bona.

Fao go na le selo sa go fošagala felotsoko.

⁷⁰ Ke sa dira selo sa go swana. E sa le Ebangedi ya go swana. Ga se ka ke ka fetoga nthatana ge e sa le ke thoma. Ke sa tšwa go thoma ka la go apešwe, la molaleng Lentšu la Modimo, gomme ke dutše thwi godimo ga Lona, e sa le go tloga fao. Mengwaga ye masometharo pedi ke bile ka morago ga phuluphithi, gomme ga se ka tsoge ka bušetša e ka ba eng morago goba go fetola e ka ba eng; go le bolela feela ka tsela ye ke thomilego. Nka se kgone go le gomiša. Ke Lentšu la Modimo. Gomme—gomme ge ke Le bolela feela boka Le boletše *fa*, nako ye e latelago ke swanetše go bolela selo se se swanago, ka baka la gore Še tsela ye Le ngwadilwego

mo. Le a bona? Kafao, o no se kgone go dira selo gape ka Lona. Gomme Moya wo Mokgethwa o sa dira selo sa go swana.

⁷¹ Kafao, eupša go lebega o ka re ga go kamego ya go lekanel. Bjale ke . . . ke a makala gobaneng, gobaneng go se na le kamego boka e be e le? Ke, ke dumela lebaka gore ge go se ne kamego ye ntši go swana le ge go be go le, ga ba kgodišege go swana le ge ba be ba eba. O swanetše go kgodišege pele o ka kgona go amega.

⁷² E sego go amega, le tšeа nako bjale, go na le go dira boebangedi le go leka go dira se sengwe, yo mongwe le yo mongwe o nyaka sekolo se segolo bogolo, goba se sengwe se segolo bogolo seo ba kago go se ruta, le—le go dira badiredi go ba le mekgwa ye mekaonana ya phuluphithi le go ya pele.

⁷³ Le tseba se ke se dumelago? Ke a dumela gore batho ga se ba kgodišege gore Jesu o tla ka pela. Ga ke dumele gore ba kgodišege gore O tla ka go lebaka le. Gomme ke a dumela ke lebaka leo ba sa amegego, gobane ga ba kgodišege ka botlalo. Nnete. Ga se ba kgodišege gore O na le bona. Ge ba be ba le, ba be ba tla tla morago go Lentšu. Yeo ke nnete. Gomme bjale batho ba bantsi ba ka no se e kwesiše.

⁷⁴ Lerato, lerato ke—ke thupišo. O swanetše go thupiša batho, ge o ba rata. Ge mosetsana wa gago yo monnyane a be a dutše ntle ka tseleng, bjalo ka ge ke boletshe mosong wo, a dira dikuku tša leraga; ge ka kgontho o mo rata, o tla mo tloša tseleng yela.

⁷⁵ Go ka reng ge mosadimogatša wa gago a rile . . . John Mongwe, e ka ba eng leina la gago o lego, o a tseba, o no mo lesa a kitime le monna tsoko yo mongwe, gobane o rile, “Segofatša pelo ya gagwe ye nnyane! O nyaka go e dira. Gomme ke no mo rata kudu, ke ya go mo dumelela go e dira.” O tla ba monnamogatša wa maitswarelelo a go šokiša. O swanetše go go tlogela, le go hwetša yo mongwe yo a mo ratago, yo a tla mo hlokamelago. Ke be ke sa e re ka tsela yeo, gobane o ka se kgone go dira seo.

⁷⁶ Eupša ke leka go fihla go eng? Ke se, gore, go ka reng ge Modimo a ka be a rile go Efa, “Efa yo monnyane wa go šokiša. O a tseba, o ngwana wa Ka. Ke—Ke—Ke . . . Ga se o re go dira seo”? Nnete, o be a sa re go se dira. Nnete, o be a sa re. Eupša o se dirile. Gomme re a tseba o se dirile. Re bona dipuelo tša sona go le bjalo. Eupša, le a bona, O—O mo ratile, gomme O—O ile a swanela go boloka Lentšu la Gagwe go yena.

⁷⁷ Gomme Modimo o swanetše go boloka Lentšu la Gagwe go rena, kafao re swanetše go obamela Lentšu la Gagwe. Gomme ge re obamela Lentšu la Gagwe, le go Mmona gona a hlatsela se A rilego O tla se dira, gona re a kgodišege, thwi, gore Lentšu le a rereša. Bjale, ge re hwetša, re tliša . . .

⁷⁸ Fa e se kgale botelle, moebangedi yo mogolo yo go Mohammedan, le e badile ka pampiring, boka ke dirile. Mohammedan yo o hlohlile moebangedi yola, gore, “Jesu Kriste o be a le go rapela motho; gore batho ba be ba latela motho.” O

dumetše ka go Modimo wa go swana yoo moebangedi a dirilego, eupša o rile, “Jesu ga se Morwa wa Gagwe. E no ba borapedi bja madirwakemetho.” Gomme moeb- . . . O hlohlile moebangedi, o rile, “Be—be Beibebe e boletše gore mediro ye A e dirilego, Kriste, balatedi ba Gagwe ba tla dira go swana.” O rile, “Bjale, ke tla tliše batho ba go babja ba masometharo ka gare, gomme o tliše batho ba go babja ba masometharo ka gare, gomme ke tla fodiša yo mongwe le yo mongwe o dirago.” Le a bona? Gomme moebangedi o tšhabile. O ofile.

⁷⁹ Gomme ge nkabe ke bile moebangedi, ke a dumela, ge ke be ke se ne tumelo ya go lekanelo go e dira, ke be nka se tsoge ka dumelela mosedumele yola go ema fale. Nkabe ke rile, “Ke tseba yo mongwe ka dikgaolong tša rena o ne tumelo go e dira.”

⁸⁰ Gobaneng? O swanetše go kgodišega, pele, gore ke Modimo, gona o tseba mo o emego. Ke therešo. Go kgodišega, sa pele, morago o hwetša go amega ga gago. Le ge batho ba tleleima gore Modimo o na le bona, eupša ba . . . Ga se bohle . . . Mme o be a fela a re, “Ditiro di bolela kutšwana go feta mantšu.” Nnete, e a dira. O swanetše go e dira, o e dumele, o kgodišege, gomme morago o tla amega.

⁸¹ Jesu o rile, “Ge o Nthata, fepa dinku tša Ka.” Bjale, fao ke mo ke naganago gore re paletše kudu, ke go fepa dinku tša Gagwe. “Ge o Nthata, fepa dinku tša Ka.” Lehono, go nyakile ke, “Kota dinku tša ka.” Di tliše ka lefelong gomme o tšee se sengwe le se sengwe ba nago le sona, gomme di dire di dire kenotshepišo ka legae la tšona, le mphiwafela wohle wa botšofadi, le se sengwe le se sengwe gape. Bolela ka go kota! Jesu ga se a ke a bolela seo.

Ngwanešu Parker o rile, mosong wo, “Modimo o rata batho ba Gagwe.”

⁸² O rata dinku tša Gagwe. O rile, “Di fepe.” Gomme dinku di swanetše go ba le Dijo tša dinku. Gomme Yena ga se a ke a re, “Ruta dinku tša Ka.” O rile, “Di fepe,” e sego di rute. “Di fepe. Di fe Dijo tša dinku.”

⁸³ Dijo tša dinku ke eng? Borotho bja Bophelo. Jesu ke Borotho bja Bophelo, Ebangedi, Therešo. E rere ntle le go itšimeletša. Gona o a tseba gore ge o swanetše go araba ka Letšatši la Kahlolo bakeng sa soulo ya bona, bjalo ka modiredi wa Ebangedi o ka kgona go ema le go re, “Seo ke se se ngwadilwego ka go Lentšu.” “Di fepe ka Therešo. Fepa dinku tša Ka.”

⁸⁴ Ge Johane a be a amegile bjalo, gore o tsebile gore Mesia o be a etla ka go lebaka la gagwe. Johane Mokolobetsi o e tsebile, kafao o tsebile gore Mesia o tla tla ka go lebaka le a phetšego ka go lona. Eupša ge a etla go tšwa lešokeng, ga se a ke a thoma dikolo. Ga se a ke a thoma dikholetše. Ga se a ke a thoma mekgatlo. Gobaneng? O ile a kgodišega gore Mesia o tla tla ka nakong ya gagwe. Dijo tša Gagwe, Molaetša wa gagwe, tiro ya gagwe, o file bohlatse go yona.

⁸⁵ Gomme re a dumela gore O Tla ka go lebaka le. Gobaneng re nyaka go boloka selo se segolo? Gobaneng re nyaka go dira, go aga dimilione tša ditolara ka dikolong le meago, gomme morago ra re Jesu o etla? Gobaneng, setšhaba se tseba bokaonana go feta seo. Ba a tseba o bolela ka se sengwe seo o sa se dumelego. Go dira se re se rerago. Thwi. Bjale re swanetše go dira seo.

⁸⁶ Johane o be a ne phosithifi kudu. Ge a tswalwa, o tsebile o be a tswetšwe tswalo ya boarogi.

⁸⁷ Bohle re tseba ka fao Sakaria a bonego Morongwa. Gomme seo se swanetše go ba se bile le ngangego go baratani ba kgale. Sakaria e be e le monna wa go tšofala, gomme Elisabetha e be e le mosadi wa go tšofala, eupša ba be ba dumetše gore—gore Modimo letšatši le lengwe o tla ba fa lesea. O be a le moopa. Gomme re a tseba ge Johane a tswetšwe, tswalo ya moswananoši, le go tseba gore o be a tla ba mohlanka wa Modimo, go swanetše go be go bile bothata go baratani ba kgale. Ka gore ba a tseba, go ya ka nako ya bophelo, ba ka se tsoge ba phela go bona mošemane yola a etla ka go bodiredi bja gagwe.

⁸⁸ Gomme tatago Johane o be a le moprista. Eupša sebakeng sa gagwe, ka pitšo yela, go theogela tlase go seminari moo tatagwe a tšwago gona, o be a sa kgone go ya tlase kua. O be a sa kgone go leka mahlatse ka yona. O be a no se kgone go hlakahlakana le yona. Ka baka la gore, o bone seo, ka Lengwalong, o be a swanetše go ba, “segalontšu sa yo a goelelago ka lešokeng.” O bone gore o be a swanetše go ba, “Motseta yo a tla yago pele ga Mesia.” Gomme o swanetše go ba le bonnete ka yona. Gomme o letile ka lešokeng go fihla a kgodišegile, gomme morago o ile a amega. O be a kgodišegile. O nyakile go—o nyakile go dula. O be a ne kgonthe kudu ka yona, gore o tla bona Jesu, go fihlela a boletše se, “Fao, O eme magareng ga lena bjale. Fao go yo Motee magareng ga lena, Yo le sa mo tsebego.” Oo, ke rata seo!

⁸⁹ Go na le yo Motee magareng ga rena, bošegong bjo, eupša ke thabile re a Mo tseba. Gomme ke a dumela Ke Yena yo a beago bohlatse. Moya wo Mokgethwa wo mogolo o bea bohlatse gore Jesu o tla ka pela, gobane ke go ya ka Lentšu, gomme maswao ohle a a phethagatšwa. Re mo nakong ya bofelo.

⁹⁰ O be a sa nyake go bolela ka Yena, go dira phošo e ka ba efe, kafao o dutše ka lešokeng go fihla a kgodišegile gore o tla tseba se Mesia a bego a le sona. Gomme Modimo o mmoditše ke mohuta ofe wa leswao go le lebelela, ge a bone Mesia. Kafao ge a Mmone, le go bona leswao leo le bego le swanetše go Mo latela, o be a kgodišegile gore yoo e be e le Yena. O rile, “Ke bea bohlatse gore yoo ke Yena.” Ka gore, Modimo, Yo a mmoditšego, le go mmolelelapape ka moprofeta, mengwaga ye makgološupa le lesomepedi pele a tswalwa, “O be a le segalontšu sa yo a goelelago ka lešokeng, ‘Lokišang tsela ya Morena, gomme le otolle mmila wa Gagwe.’” Gomme Modimo yo a mmeetšegopele, le go mo

kgethelapele go mošomo, o letile Modimo yola go fihla a kwele go tšwa go Modimo yola. Amene. Ge Modimo yola a mmoditše se se bego se yo direga, o ile a kgodišega. Ge a bone leswao lela, o rile, “Yena šole.” Amene.

⁹¹ Ge re ka no ba go hlokofala bjalo! Ge re ka leta mo aletareng, ra se hwetše mohuta tsoko wa maikutlo a mannyane le go tabogela godimo le go tšhaba, eupša ra dula fale. Ga go kgathale go direga eng, dula fale go fihlela o kgodišegile ka phethagalo ka maatla a tsogo ya Gagwe, gore Moya wo Mokgethwa o go swere le go go swara, gomme o sebopiwa se seswa ka go Kriste. Dula fale go fihla o hwile gomme o tsogile gape, gona o ka se ye go nošetša moikaketsi. O tla ya kua, gomme o a tseba gore O—O go hwetše, gomme o hwile le Yena. Bjale o ya tlase, go tsošwa le Yena gape; go laetša lefase gore o a dumela gore O hwile gomme a tsoga gape, gomme o hwile le Yena, gomme o šetše o tsogile gape. Gomme bjale o ya go dula ka mafelong a Magodimong, go ja Dijo tša dinku. Nnete.

⁹² Andrea, yo mogolo yo yoo re bolelago ka yena, ngwanabo Simone, o dutše bošego bjohle, go fihlela a kgodišegile. Ge a be a eya go bapa le leši, Johane, moprofeta yo mogolo yo o tšwetšepele a re, “Go ne yo Motee! Nako e batametše. Lena meloko yohle ya dinoga ka bjanyeng, le se nagane go re, ‘Ke nna wa ye, gomme ke nna wa yela. Re na le Abraham go tate wa rena.’ Ke tla le botša, Modimo o kgona ka matlapa a go tsošetša Abraham bana.” Oo, o be a no bea go kgabola, selepe go modu wa mohlare.

⁹³ Le a bona, Johane o be a le monna wa lešoka. Lebelelang se a boletšego ka sona: dilepe, mehlare, dinoga. Le a bona? Seo ke se a bego a se tlwaetše, ntle kua lešokeng. Gomme o rile, “Selepe se beilwe modung wa mohlare, gomme mohlare wo mongwe le wo mongwe wo o sa tlišego kenywa ye botse o ya go lahlelwa fase le go tšhungwa.” A itia selepe kgahlanong le mohlare; a ripa dihlogo tša dinoga, le se sengwe le se sengwe. O be a le monna wa lešoka.

⁹⁴ Ga go makatše Jesu o rile, “Le be le ile ntle go bona eng?” Yela *Tšhegofatšo Ye E Lebetšwego*, bjalo ka ge ke rerile ka yona. Ge A ile go kgabaganya thaba, barutiwa ba Johane ba boletše. “Le be le ile ntle go bona eng, monna a apere diaparo tše kaone?” O rile, “Woo ke mohuta wo ba tla o bitšago, ‘Ngaka, tate yo mokgethwa.’ Gomme ba apara diaparo tše boleta. Ba atla masea, le go nyadiša ba—ba baswa, le go boloka batšofadi. O swara thipa ya pene.” Monna boka yola a ka tseba eng ka ga Tšhoša ya maswaromabedi ntle mo pele ga ntwa? “A le ile ntle go bona yo motee?”

⁹⁵ Ba bangwe ba rile, “Gona a le ile go bona lehlaka le le šikinywago ke phefo e ka ba efe, goba sehlopha e ka ba sefe se sennyane se ka kgonago go tla mmogo, sa go fetola go tloga go se go ya go sela, le se go ya go sela?” E sego Johane. O be

a kgodišegile. O—o tsebile moo a dutšego. O tsebile maemo a gagwe. E be e se Johane wa go šikinyega tikologong. Aowa, aowa.

⁹⁶ O rile, “Le ile go bona eng gona, moprofeta?” O rile, “Gomme Ke re go lena, yo mogolwane go feta moprofeta. O feta moprofeta.”

⁹⁷ Kafao Johane o be a kgodišegile, gomme a thoma go rera. Gomme Andrea o be a tsenela dikopano. Gomme kafao ge Jesu a fetile kgauswi, gomme Andrea le morutiwa yo mongwe ba be ba le fao, gomme Johane o šupile ntle, gomme o rile, “Bonang Kwana ya Modimo yeo e tlošago sebe sa lefase.” Gomme ba Mo latetše.

⁹⁸ Ke rata seo. Ke duma ge nka ba le maatla a mantši ka go theroyaka. Ge ke re, “Bonang Kwana ya Modimo yeo e tlošago sebe sa lefase,” gomme mothyo mongwe le yo mongwe o tla Mo šala morago. Nna! A nke ke . . .

“Ke Mo hwetša kae, Ngwanešu Branham?” Nka go bontšha.

⁹⁹ E sego telele go fetile, ke be ke le ka kopanong ya Banna ba Kgwebo. Gomme ke be ke rera ntle ka Lebopong la Bodikela. Gomme go be go le moisa tsoko a sepelela godimo go nna, gomme o rile, “E re, a ga o moreri?”

Ke rile, “Ee, mohlomphegi.”

O rile, “O dira eng le borakgwebo ba?”

Ke rile, “Ke nna rakgwebo.”

Gomme o rile, “Ke mohuta ofe wa kgwebo o lego ka go wona?”

Ke rile, “Kgwebo ya netefaletšo.”

O rile, “Ke mohuta ofe wa inšorense?”

Ka re, “Netefaletšo.”

O rile, “Ke mohuta ofe?”

¹⁰⁰ Ke rile, “Netefaletšo ye e šegofetšego, Jesu ke wa ka.” Ke rile, “Ge o na le kgahlego ka go pholisi, ke tla rata go bolela go e fetša le wena.”

¹⁰¹ Mogwera wa ka, Mna. Snyder, mošemaneyo bohlokwa, o tlile godimo ntlong ya ka. Gomme ke mo tsebile ge ke be ke le moisa yo monnyane, gomme re ile sekolong mmogo. O rile, “Billy, ke tla rata go rekišetša inšorense tsoko.”

¹⁰² Gabotse, ke bile le kwano ye nnyane e gogelwa go nna nako ye nngwe, go inšorense, gomme ga se nke ka ke ka e tšeа gape. Kafao o rile . . . Ke rile, “Wilmer, ka kgonthe ke—ke tla . . . a go rata, eupša,” ke rile, “ke—ke šetše ke na le netefaletšo.”

O rile, “Oo, o nayo?”

¹⁰³ Mosadimogatša wa ka o ntebeletše mo o ka rego ke be ke le moikaketši. O tsebile ke be se ne inšorense e ka ba efe, eupša ke rile, “netefaletšo.” Le a bona?

¹⁰⁴ O rile, “Oo, ke maswabi, Billy.” O rile, “E na le khamphani efe?”

Ka re, “Bophelo bjo Bosafelego.”

O rile, “Ga ke dumele nkile ka kwa ka khamphani yeo.”

Ke rile, “O swanetše.” Oo, ke kgodišegile gore ke nnete. Ke nnete.

¹⁰⁵ Kafao, Johane o rerile le go re, “Yena šole, Kwana ya Modimo yeo e tlošago sebe sa lefase.”

¹⁰⁶ Ge ke Mmona a sepela go kgabaganya batheeletši, a goga modiradibe, goba motho wa go babja, le go bolela le bona, gomme ke a tseba gore Yoo ke yena Modimo. Gomme mang kapa mang, o be a tla tseba eng kapa eng, o be a tla tseba gore ke be nka se kgone go dira seo. Ke tla rata go re, “Bonang Kwana ya Modimo yeo e tlošago sebe sa lefase.”

¹⁰⁷ Ke rata batho, ba re, “Ke a e dumela. Bjale ke sokologa dibeng tša ka. Ke dumela go Jesu Kriste.” Oo, ke rata go ba bona ba dira seo.

¹⁰⁸ Gomme barutiwa ba ba ile thwi ka morago ga Jesu. Gomme O lebeletše go dikologa. O ba hweditše. Gomme O rile, “Le nyaka eng?”

¹⁰⁹ Ba rile, “Rabi,” e hlathollwago, “Mong, O dula kae?”

¹¹⁰ O rile, “Etlang gomme le bone.” Bjale yeo ke taletšo ya go makatša. “Etlal gomme o bone.” Ke rata seo.

¹¹¹ Seo ke se Filipi a se boletšego go Nathaniele, ge Nathaniele a rile, “A go ka ba le selo se itšego se sebotse go tšwa Natsaretha?” O rile, “Etlal gomme o bone.”

¹¹² Kafao gona, etla, hwetša. O se dule gae gomme wa swaswalatša. Etla, hwetša. Le a bona? “Etla, iponele ka bowena.”

¹¹³ Bjale, ba rile e be e le nako ya mantšiboa, kafao Andrea o dutše bošego bjohle. Oo! Yeo ke tsela ye botse. O dutše go fihla a kgodišegile. Se Monna yola a mmoditšego bosegong bjola, se A se boletšego go yena, goba se A se dirilego, go bile le se sengwe seo se kgodištšego Andrea ka go felelela gore O be a le Mesia.

¹¹⁴ Letšatši la go latela ka leselaphutiana ka kgonthe, ke a eleletša, o tlimaretše jase ya gagwe le kefa, le go ya tlase, gobane Petro o be a eya go thea dihlapi tlase nokeng. Gomme o rile, “Etlal, bona Yo re mo hweditšego. Ke Mesia.” O be a kgodišegile. Ge a be a kgodišegile ka go phethagala gore e be e le Mesia, o be a amega ka ngwanabo.

¹¹⁵ Seo ke se e lego taba, bosegong bjo. Batho ga se ba kgodišega ka Molaetša. Batho ga se ba kgodišega ka Moya wo Mokgethwa. Ge ka kgonthe o kgodišegile, gona o a amega. O tla dira se sengwe le se sengwe o kgonago, go dira e ka ba eng o swanetšego go

dira ka yona. O re, "Gabotse, Ngwanešu Branham, ga ke moreri." Gabotse, o ka dira se sengwe, le wena.

¹¹⁶ Elelwang nako ye nngwe ke bile le kopano. Go bile le molemi a phološwa le go tlatšwa ka Moya wo Mokgethwa. Gomme o be a se ne selo eupša boitemogelo bja gagwe feela, le theraka. Eupša o rwaletše ba bantši kudu go ya kopanong, o bile le ba masometharo bontši ba tladišwego ka Moya wo Mokgethwa, pele ga yona . . . ? . . . Gobaneng? O be a kgodišegile. Gomme ge a be a kgodišegile, o ile a amega. Morwedi yo monnyane o fodile. Re bile le batho ba go babja bošegong bjo bongwe le bjo bongwe, theraka e tletše ka bona, go ba tliša go tšwa mogohle. Masometharo ba hweditše Moya wo Mokgethwa. Le a bona? O be a kgodišegile gore O be o lokile, kafao o be a amega ka yo mongwe gape. Gomme re . . . Ge re kgodišegile gore Jesu o etla ka pela, re tla amega ka ba rena ba ba lahlegilego. Re tla be re dira tšohle re ka kgonago go iša Ebangedi ntle.

¹¹⁷ Jakobo o dutše bošego bjohle, bošego bjo bongwe, a katana. Mokgoma yola wa go katana, o katana bošego bjohle. O be a phema Esau *mo le mola*. O be a tšhogile go iša lehung, ka yena. Gomme o kwele Esau o be a etla. O beile mosadimogatša wa gagwe mošwa nokana. O ile godimo ka lehlakoreng le lengwe gomme a khunama fase. Le a tseba, Modimo o tlie fase gomme a swara Jakobo, gomme ba katana bošego bjohle. Kafao o—o be a se a kgodišega moka, le go thoma. Eupša nako ye Modimo a feditše ka yena, o be a kgodišegile. Ee. O dutše le go swarelala go fihla a kgodišegile gore e be e le Modimo.

¹¹⁸ Ngwanešu, o be a sa boife Esau nako yeo. O tshetše noka, gomme o be a fokola le go hlotša. Nako ye mpempe ye a kgognego go ba ka go yona, go lebega o ka re. O—o be a—o be a le mofokodifokodi a kilego a ba. O be a golofetše le se sengwe le se sengwe. Eupša Esau o rile go yena, "A o ka ntumelela go romela madira mmogo go le thuša?"

¹¹⁹ O rile, "Ebile ga ke hloke thušo." Gobaneng? O be a kgodišegile gore Modimo, yoo a bego a mo swere, o be a tla kgona go mo hlokomba. Haleluya! Ge batho ba ka no dira seo.

¹²⁰ Ge o ka kgona go kgodišega gore Modimo yo a go swarago, o šikinya pelo ya gago, o go dira sebopiwa se seswa ka go Kriste Jesu. A nke bolwetši, lehu, goba e ka ba eng gape e tle, o kgodišegile O tla kgona go go hlokomba gabotse. Nnete. Amene. Ke rata seo.

¹²¹ Samogara, moisa yo monnyane re boletšego ka yena bošegong bjo bongwe, o be a amegile ka lapa la gagwe. Ee, o tsebile ba be ba swerwe ke tlala. Gomme Bafilisita ba tlie godimo, sekete sa bona, ke a dumela, makgolotshela le metšo. Ke a dumela, makgolotshela a bona ba tla go rotoga tselo, banna ba ba itlhamilego. O be a amegile ka lapa la gagwe, gobane ba be ba tla hwa ka tlala marega ale. Eupša o dutše fale, a nagana le

go ithuta. O be a ka kgona go dira eng? O dutše fale go fihlela a kgodišegile gore Modimo o boloka tshepišo ya Gagwe.

¹²² Bjale, lebelelang se a ka bego a se naganne. “Bjale, mo, tate wa ka Abraham, yo ke rwelego ka mmeleng wa ka leswao la lebollo, gobane ke a dumela Abraham o be a le monna wa Modimo. O be a kgodišegile. O tlogetše legae la gagwe. O tlogetše se sengwe le se sengwe a bego a na le sona, go direla Modimo. Gomme godimo ga thaba letšatši leo, ge a neetše kgapa sebakeng sa Isaka, Modimo o boditše Abraham, ‘Gobane o dirile se, peu ya gago e tla ba mong wa kgoro ya lenaba.’” Yeo ke nnete. “‘Peu ya gago, Abraham, Ke a go tshepiša. Ke ena ka yona.’” Haleluya! Oo, nna! Bjale ke ikwela bodumedi. “Ke ena ka yona. Abraham, peu ya gago e tla ba mong wa kgoro ya lenaba la gagwe.”

Bjale Samogara o kgonne go re, “Ke nna peu ya Abraham.” Amene.

¹²³ Gomme ge Samogara a kgonne go nagana seo, e le peu ya tlhago ya Abraham, go reng ka bosegong bjo, gomme re Peu ya Bogoši ya Abraham? Oo! Fšel! Le nagana ke a tsenwa. Mohlomongwe ke yena. Ntlogeleng ke nnoši. Ke ikwela bokaonana ka tsela ye go feta ke dirile ge ke bile le monagano wo mongwe. Ya. Peu ya Bogoši ya Abraham! Kereke ke ya Bogoši, Peu ya tshepišo. Gomme ge peu ya tlhago e ka kgona go tšea tutuetšo ye ntši yela, Peu ya Bogoši e swanetše go dira eng, ka—ka Bogona bja Moya wo Mokgethwa bo no tlotša go dikologa, go ipontšha Yenamong? Fše! Letago! Kgonthé.

¹²⁴ Samogara o rile, “Ke nna peu ya Abraham.” Ge a thoma go nagana ka yona, “Modimo o boditše Abraham, ke a e dumela, gore peu ya gagwe e tla ba mong wa dikgoro tša lenaba la gagwe. Gomme šebao fao, ba matšha go kgabola kgoro ya ka.” O nno obeletša godimo, a topa lepara la pholo. Bjale, ga se a ema.

¹²⁵ Ga se a tsoge a leta go ithuta mokgwa wa go lwa, goba go re, “Bjale ema motsotso. Ke nna Peu ya Bogoši. Ke nna peu ya Abraham. Ke boloditšwe. Kafao, le a tseba, Bafilisita ba bohole ke bahlabani ba bakaone. Ba be ba ikwatliša nako ye telele. Ke tla ya tlase go seminari le go hwetša Ph.D. le L.L.D., gomme ke tla ithuta mokgwa go lwa. Ke tla ithuta katikesima, melao yohle ya kereke.”

¹²⁶ Ge nkabe a dirile seo, ke sohle a ka bego a tsebile e ka ba eng ka . . . ? . . . A ka be a tsebile seo feela, gomme a ka be a se a e hwiphinya. Gona o be a ka se kgone go lekalekana le lenaba.

¹²⁷ O ka se kgone go lekalekana le lenaba. Nka se kgone go lekalekana le lona. Eupša ke a elelwa ke phela ka tlase ga tshepišo, haleluya, yeo e šetšego e le maatla a gagwe a bile go feta go lekalekanwa, le go fenngwa, le go lahlelwa fase. “Ke feta mofenyi, gonabjale.” E sego nnamong, eupša ke ka go Yena Yo a mphenyeditšego yena, le a bona, gomme seo se a phela. Ke nna karolo ya Peu ya Bogoši ya Abraham. Naganang ka yona

motsotso, gona hwetša lepara la pholo. Kitimiša diabolo yola wa pelaelo go tloga go wena. Ee.

¹²⁸ O rile, “Nna ke . . . Nka se kgone go ithuta go lwa.” Ge a dira, seo ke sohle a tsebago mokgwa wa go dira, e no ba go lwa. Seo ke sohle a ka bego a boletše ka sona.

¹²⁹ Lehono, yeo ke tsela ye re lekago go e dira lehono. Banna ba rile, “Ke na le pitšo ka bophelong bja ka go ba modiredi.”

¹³⁰ “Gabotse, bjale, morwa, ke tla bitša pišopo, gomme ke tla hwetša ge nka se kgone go go dumelela go ya godimo sekolong, gomme o ka kgona go ithuta saekolotši, le go ithuta dilo tšohle tše. Gomme e ka ba mengwaga ye lesome ka seminaring e ka go lokiša.” Seo se tla, kgonthe go lekanela. Se tla mo lokiša gore a se tsoge a tsoga gape.

¹³¹ A phapano go feta ka mo go lego, go romela modiredi lehono, go feta ka mo go bego go le ka Kerekeng ya pele. Ga se ba leta mengwaga ye lesome. Ba letile matšatši a lesome. Ge go go tšeа mengwaga ye lesome go kgodišega . . . Ba ile ba kgodišega ka matšatši a lesome. Amene. A ka no kgodišega ka saekolotši, eupša o swanetše go hwetša makhunamo. Feela matšatši a lesome, ba be ba kgodišegile, gomme nako yeo ba ile ba amega ka ba bangwe. Ba bangwe ba bona eibile ba be ba sa kgone go saena leina la bona beng. Beibele e rile ba be ba sa tsebe selo le go se rutege, eupša ba be ba kgodišegile. Haleluya!

¹³² Ga ke tshwenyege ka thuto. Ke kgodišegile gore Jesu Kriste ke Morwa wa Modimo. Ke kgodišegile Wo ke Moya wo Mokgethwa. Ke kgodišegile Yena ke Mofodisi. Ke kgodišegile Yena ke Mopholoshi. Ke kgodišegile O etla. Ke kgodišegile Se ke Sela. Ke kgodišegile. Ke a e dumela.

¹³³ Ba rile ba kgodišegile. Se sengwe se diregile. Ba ile ba kgodišega, morago ba ile ba amega ka morago ga ge ba ile ba kgodišega. Ba be ba amegile ka go iša Lentšu la Gagwe ntle go bona ka moka. Leo e be e le leswao le lebotse gore ba be ba kgodišegile: ba be ba amega.

¹³⁴ Ba be ba sa amege ka thuto, ba sa amege ka ge eba ba ka re “amene” feela gabotse. Ba be ba sa amege ka mokgatlo wo ba bego ba le ba wona, goba ge eba ba be ba na le karata ya kopanelo, goba aowa. Ba be ba kgodišegile gore tšohle ba bego ba di hloka e be e le Yena.

¹³⁵ Gomme ke ka tsela ya go swana bošegong bjo. Ke kgodišegile gore tšohle re di hlokago ke Kriste. Ga re hloke meyara yo moswa. Ga re hloke dipresidente tše mpsha. Ga re hloke sešole se seswa. Ga re hloke pomo ye mpsha. Re hloka Jesu.

¹³⁶ Seo ke sohle ba—seo ba bego ba kgodišegilego ka sona. Gomme gape ba dumetše gore O tla . . . Ba ile ba kgodišega gore O—O tla kopana le se sengwe le se sengwe seo ba bego ba se hloka.

A le kgodišegile bjalo, bošegong bjo?

¹³⁷ E re, “Ke kgodišegile. Ga go kgathale se se tlago pele ga ka, O tla se kgona. Ga go kgathale se se tlago pele ga ka, ke kgodišegile O tla ntlhokomela. O rile O tla e dira.”

¹³⁸ “Ke tla ba le lena, ebile le ka go lena, go fihla bofelong bja lebaka. Le se ke la eleletša ka gosasa, go tla iponela ka bolona.” Seo ke therešo, e nong go nagana ka lehono. “Ge Modimo a apešitše naga bjalo, le bjang bja naga, bjoo bo lego gona lehono, gosasa ga bo gona; gomme ge A naganne go lekanelo gore ebile le phorogohlo e ka se kgone go wa mokgotheng ntle le Yena go tseba ka ga yona,” ke bontši gakaakang A tsebago ka ga tlhoko ya rená?

¹³⁹ Ke kgodišegile. Ke ka baka leo ga le bone nna ke kgopela meneelo, le *se, sela*. Ke kgodišegile. Ge ke dula le Lentšu le, Modimo o tla dula le nna. Ke kgodišegile. Ga wa swanela go fiwa. O tla tla ka tsela ye nngwe. Ke, ke—ke nno—nno kgodišega. Ke a le dumela. Ke dumela Lentšu le lengwe le le lengwe A le boletšego. Ke kgodišegile ka Lona. Ke kgodišegile O tla kgotsofatša dinyakwa tšohle tšeо ke di hlokago. Ga ke a swanela go tshwenyega ka yona.

¹⁴⁰ Gomme gape o be a kgodišegile gore ba be ba sa hloke sehlopha sa saekolotši, le dilo tšohle tše dingwe tše, go tšeа. Ba ile ba kgodišega gore bao ba bego . . . ba—ba ba reretšego, e be e le sohle ba se hlokilego, e be e tla ba se ba bilego le sona.

¹⁴¹ Bjoo ke bothata bja yona lehono. Ba leka go šunyetša dilo tše dingwe ka go bona, dithutotumelo, le dilo boka tšeо. Ga se nke ka nnete wa kgodišega gore Moya wo Mokgethwa o lokile. Seo ke sohle ke se hlokago. Seo ke sohle o se hlokago. Seo ke sohle e ka ba mang gape a se hlokago.

¹⁴² Ba be ba le ka Afrika e se kgale botelele. Ba be ba leka go ruta batho bale tlase fale, le meloko. Gomme ge o ba tliša ka go motho yo mošweu, o tšeа sebe sa motho yo mošweu. O na le sebe sa gagwe mong ntle kua ka lelokong. O mo tliša ka gare, o tšeа sebe sa motho yo mošweu, gona ke ngwana wa hele momenwagabedi go feta a bego a le, la mathomo. Selo se tee feela a se hlokago. O hloka Kriste. Amene.

¹⁴³ Hudson Taylor, nako ye nngwe. Ga se nke la ke la kwa ka Hudson Taylor, moromiwa yo mogolo, China? Go be go le mošemanе yo monnyane wa Moindia. O phološitšwe, o rile o bile le pitšo go bodiredi. O tlide gomme a re go Mna. Taylor, a re, “Mna. Taylor, a ke swanetše go tšeа mengwaga ye mene ya saekolotši,” le dilo tšeа go fapano tše a swanetšego go di dira, “gomme go tla ntšeа botelele bjo bokae, go hwetša Grata ya ka ya Bokgabo?”

¹⁴⁴ Mna. Taylor o rile go yena, o rile, “Morwa, o se tsoge wa tšhumákerese—kerese seripa pele o thoma.” Aowa.

¹⁴⁵ Seo ke se ke se naganago, le nna. Le se ke la leta go fihla kerese e swele seripa, le mohuta tsoko wa go tsena sekolo o kokotetšwe ka go wena, mohuta tsoko wa seela sa go omeletša. Le se ke la dira seo. Eupša ke re, ka pela ge kerese e gotteditšwe, thoma. Ga ke leke go thekga go hloka tsebo, eupša sese se ke se rago. Ge o sa tsebe selo gape, ba botše ka fao kerese e gotteditšwego. Seo ke sohle ba swanetšego go se tseba. Ba botše se se goteditšego kerese. Ba botše se se tukago ka fale. E no ba botša ka fao e gotteditšwego. A nke ba gotetšwe, ba tla—ba tla hlokomela ka moka ga yona. Ka kgonthe.

¹⁴⁶ Ga wa swanelo go bolela, go ya go kgabola mehuta yohle ya mantšu a magolo ao o sa a tsebego sa mathomo, gomme ga a re selo morago ga ge o a tseba. Le a bona? E no ba botša, “Letago go Modimo! Moya wo Mokgethwa o nteile, gomme ke nna monna wa go fapano.” Ba botše ka fao kerese e gotteditšwego. O se ke wa leta go fihla e eswa; ka gona ke muši ka nako yeo. Bontši kudu bja bona lehono. E no ba botša ka fao e gotteditšwego.

¹⁴⁷ Monna wa sefofu yoo Jesu a mo filego go bona ga gagwe godimo fale, ba be ba ngangana kudu ka ga yena. Le elelwa ge a feta kgauswi, barutiwa ba rile, “Ke mang a dirilego sebe, yena goba mmagwe, tatagwe?”

¹⁴⁸ Jesu o rile, “Le o tee. Eupša gore mediro ya Modimo e kgone go dirwa go bonagala.” Gomme O mo file go bona ga gagwe.

¹⁴⁹ Fa go tla bohole bamangwalo le Bafarisei godimo. Gomme tatagwe le mmagwe ba be ba tšhogile go iša lehung, ka baka la gore ba be ba šetše ba rile, “Ge e ka ba mang a ka theetša Jesu yola wa Natsaretha, Moprefeta yola, o tla no go fa lengwalo go tšwa kerekeng. O rakilwe.”

¹⁵⁰ Ga se ba e fetola le nthatana. Le a bona, go swana! “E ka ba mang a Mo theetšago, goba a yago kopanong ya Gagwe, o no ba thwi go tloga kerekeng, thwi sa mathomo.” Ba phumula leina la gago thwi go tloga pukung.

¹⁵¹ Kafao ba ile le go tsea tatagwe le mmagwe, ba rile, “A yo ke morwa wa lena?”

¹⁵² Ba rile, “Ee, ke yena.” Ba rile, “Re a tseba yo ke morwa wa rena, le go tseba o belegwe a foufetše.”

“Gabotse,” ba rile, “o hweditše bjang pono ya gagwe?”

Ba rile, “Botšišang yena. O godile.”

Ba rile, “Efang letago go Modimo. Monna yo ke modiradibe.”

¹⁵³ Gobaneng, ga se a kgona go ngangišana ka thutamodimo le bona. Ka kgonthe aowa. Eupša go na le selo se tee a bego a se tseba. O be a kgodišegile gore o kgona go bona. O rile, “Ge eba A le modiradibe goba aowa, ga ke tsebe. Ga ke tsebe ke sekolo sefe A tšwago go sona, goba ga go selo ka yona. Eupša ye ke ntlha e tee ye botse ya go ngangišana ke nago le yona: moo nkile ka ba

sefou, ke kgodišegile gore ke kgonas go bona; gobane O mpoditše ke tla kgonas, gomme ke Mo theeditše.” Haleluya!

¹⁵⁴ Selo sa go swana ka nna. Nkile ka ba sefou, eupša bjale ke a bona. Nkile ka se kgonas go bona Le. Ke be ke le modiradibe. O butše mahlo a ka. Moo nkilego ka ba sefou, bjale ke a bona.

¹⁵⁵ O bile le ntlha ye botse ya go ngangišana, kgonthe o dirile, bontši kudu go fihla ba sa kgonas go mo phegiša. Gobaneng? O be a kgodišegile o be a kgonas go bona. Gomme o be a kgodišegile. “Seo,” o rile, “ke selo sa go tlaba bjale. Le a bea, lena baisal fa, le baetapele ba bodumedi ba setšhaba. Gomme le re ga le tsebe moo Monna yo a tšwago, gomme šo O diragatša mohlolo go nna, woo o sa nkago wa dirwa ka lefaseng. Seo ke selo sa go tlaba.”

¹⁵⁶ Ngwanešu, ke a dumela ke moithutamodimo yo mobotse, ka seo. Gobaneng? O be a kgodišegile. O bile le se sengwe seo se mo kgodišitše. O be a foufetše; o kgonas go bona.

¹⁵⁷ Dafida, ge a etla go madira a Saulo, Goliate ka lehlakoreng le lengwe, Dafida e be e le monna yo monyennyane ka go seholpha. Goliate e be e le yo mogologolo. Saulo o be a tla ba kudu go lekelelana. Saulo o be a le e ka ba kgato tše šupago, ke a thankka, goba bokaonana, mohlomongwe seswai, “Hlogo le magetla ka godimo ga monna yo mongwe le yo mongwe ka madireng a gagwe.” Gomme Dafida o be a le monna yo monyennyane fao, gomme o be a le monna wa go se katišwe a nnoši fao. Eupša, ngwanešu, o be a kgodišegile. Letago! Le a bona? “Ke tla rata go tebelelego ya ka mo ke lego.”

¹⁵⁸ Hlokamelang. O be a se a katišwa. O be a se na le marumo. O be a sa tsebe selo ka yona. Gomme o be a no ba moisa yo monyanyane yo mohubedu. Eupša o ile a kgodišega, gomme o be a amegile ka madira ao a ipitšago wonabeng “madira a Modimo yo a phelago.” Gomme o ile a kgodišegile gore Modimo, Yo a mo thušitše ka seragamabje sela, go bolaya tau le bera, ka kgonthe a ka kgonas go ntšhetša lešoboro lela la Mofilisita ntle. O ile a kgodišega, morago a amega ka madira. Ga go kgathale o hweditše gakaakang... Ge o kgodišegile gona o a amega, eupša o swanetše go kgodišega, pele. Kafao, o ile a kgodišega.

¹⁵⁹ Ke elelwa bošegong bjo bongwe, bošego bja go fiša ka kgonthe, go poka gohle go dikologa, go ya ntweng. Oo, disekgonege di be di le kgahlanong le yena. Gomme o rapetše. O be a robetše ntle kua ka tlase ga mohlare wa mourupe. Madira a be a šetše a loketše, ntle kua go kopana le yena. O ile a robala ka tlase ga mohlare wo wa mourupe. Gomme morago ga lebakana o kwele se sengwe se etla, le go ya pele go kgabola dikgwa tša mourupe, le go ya pele ntle ka tsela ye nngwe. O be a kgodišegile, ngwanešu. Ga go kgathale se disekgonege di bego di le, o be a kgodišegile gore Modimo o ile pele ka gare, pele ga gagwe.

¹⁶⁰ Banna, ge le ka kgonas go ema mo, bošegong bjo, ga go kgathale gore phošo ke eng ka lena; ge le ka kgonas go kwa phefo

yela e tšutlago ya Moya wo Mokgethwa e etla go le kgabola, le go re, "Ke nna Morena yo a fodišago malwetši a lena ohle. Ke a le fodiša bjale." Ge o ka kgona go kgodišega, ngwanešu, ga o kgathale se kgomano e lego ntle kua, o šetše o tseba e ya go direga. Nnete.

O ile a kgodišega gomme ka gona o be a amega.

¹⁶¹ Simsone a eme pele ga Bafilisita, ka feela lerapo la mohlagare la moula ka seatleng sa gagwe, ebile o be—o be a se a itlhama. Eupša o ile a kgodišega gore Modimo yo a mo tsošitšego, o be a kgona, ka lerapo lela la mohlagare la mmoula, go bolaya Bafilisita ba. Gomme o bolaile sekete.

¹⁶² Moprefeta yo a bego a tšhaba, Moshe, ge Moshe a kgodišegile gore e be e le Modimo ka sethokgweng sela. Le a tseba, Moshe ga se a ke a ba le boitemogelo le Modimo. O be a na le thutamodimo ye ntši. Eupša o be a tšhabile. Eupša ge... O ile a kgodišega gore Yoo e be e le Modimo ka sethokgweng. Gobane, Segalontsu se boletše go tšwa sethokgweng, se tsopola Lengwalo go yena, gomme o ile a kgodišega gore Yoo e be e le Modimo. Gomme Modimo o rile, "Ke tla ba le wena." Le a tseba, o be a lahlegetšwe ke kamego yohle ka morwalo ka Egepeta. O be a le ntle kua mengwaga ye masomenne, gomme wona makgoba kgole. Eupša ge a kgodišegile gore e be e le thato ya Modimo go ba lokolla, o ile a amega letšatsi le le latelago.

¹⁶³ Šo o ya go theoga tsela. A le kgona go eleletša a ponagalo? Ka Tsipora a dutše godimo ga mmoula, Gerisome yo monnyane lethekeng la gagwe. Ditedu di lekeletše tlase ka mokgwa *wo*, bogolo bja mengwaga ye masomeseswai; hlogo ya lefatla e phadima go kgabola letšatši; lepara la go kgopama ka seatleng sa gagwe; a goelela, "Haleluya!" A eya tlase Egepeta, go thopa. Ee.

E ka go dira o dire go se tlwaelege.

¹⁶⁴ Go ka no ba go mo dirile a dire ka mokgwa wa go se tlwaelege, eupša o ile a kgodišega. Gobaneng? "Ke ya le wena, Moshe. Ke ya go tšea lepara le le lego ka seatleng sa gago, gomme Ke ya go lokolla batho ba Ka." Bjale, lepara le lennyane la kgale la go kgopama le be le sa lebege kudu, eupša, ngwanešu, o ile a kgodišega gobane Lentšu la Modimo le be le na le lona.

¹⁶⁵ Le a tseba Lentšu la Modimo le na le lena, le ka go lena, le ka kgona go kgodišega.

¹⁶⁶ Bana ba Bahebere, ba be ba kgodišegile gore O be a kgona go boloka Lentšu la Gagwe, ee, ge feela ba tla ema go Lona. Modimo o ba boditše go se khunamele medingwana ya maitirelo. Seo e no ba tlwa se Modimo a bego a se ra. Gomme ba tsebile gore ge ba se ba khunama fase go modingwana yola wa maitirelo, gore Modimo o be a kgona go boloka Lentšu la Gagwe. Ba be ba kgodišegile gore O be a le. Gomme ka gona ge ba be ba kgodišegile ka go ema le Lentšu la Gagwe, Modimo o be a amega ka go ema le bona.

¹⁶⁷ Ge o kgodišegile gore Le ke Lentšu la Modimo, Modimo o amega go go hlokomela ka Lona. Ke Le lekile, go kgabola mašemo a šele le mogohle, ge o kgodišegile gore Le nepile. Eupša, o swanetše go kgodišega, gona Modimo o tla amega ka wena. Eupša, sa pele, o swanetše go kgodišega gore Ke Yena, gomme O boloka tshepišo ya Gagwe, ka gona Modimo o a amega.

¹⁶⁸ Mareta o ile a kgodišega gore ge Jesu a kgopetše Modimo, e be e tla direga. O rile, “Ga ke kgathale se e ka ba ofe wa ka moka ga bona a se boleLAGO. Ga ke kgathale ge e ba kgaetšedi wa ka Maria ga a dumele go yona. Ga ke dumele, ga ke kgathale se rabi a se boleLAGO. Eupša, Morena, ge nkabe O be o le fa, ngwanešu wa ka a ka be a se a hwa.” Gomme o rile . . . “Le bjale, ke kgodišegile, ge O kgopela Modimo, Modimo o tla Go fa yona. E tla direga. Ke ya thwi tlase, go pshikološa letlapa. Ke ya go e lokišetša. Ke kgodišegile.” Nnete.

¹⁶⁹ Ke elelwa tate wa ka, tlase ka Kentucky, mengwaga ya go feta. Dimela tšohle di be di eswa. Gomme moreri wa sediko wa kgale a tla go kgabola, gomme o be a le mokgalabje wa bothakga. Ge a ile matolong a gagwe, o dutše fale go fihla se sengwe se direga. Letšatši leo, bohle ba be ba nyaka go rapelela pula gore e tle. Pop o rile, ge mokgalabje yola a ile matolong a gagwe, gomme o bone tšona diatla tša kgale tša go tlhakgasela di ile godimo ka moyeng, o rile, “O Modimo, ke Go diretše. Batho ba ke ba Gago, gomme puno ya bona e a swa.” Pop o rile o ngwegetše thwi ntle ga kereke, gomme o ile ntle fale gomme o tšere sala go tloga go mmoula wa gagwe, o e lahletše ka tlase ga kereke, gobane o tsebile pula e be e etla. O kgodišegile, ee, mohlomphegi, morago o ile a amega ka sala ya gagwe. Morago ga ge o kgodišegile!

¹⁷⁰ Mareta o rile, “Ge nkabe O be o le mo, ngwanešu wa ka a ka be a se a hwa. Eupša le bjale, eng kapa eng O e kgopelago Modimo, Modimo o tla e fa go Wena. Yeo ke mnete. E ya go direga, ge O ka kgopela Modimo.” A seo ga se makatše?

¹⁷¹ Jairo, ka setopo ka ntlong ya gagwe, ngwana wa gagwe a nnoši, mengwaga ye lesomepedi ka bokgale, mosetsana yo monnyane. Molaetša o a tla, “O se ke wa tshwenya Mong, ka gore o šetše a hwile.” Gomme Jesu o rile . . .

¹⁷² Sa pele, o rile go Jesu, “Mosetsana wa ka yo monnyane ebile o hwile bjale, eupša ke kgodišegile.” Haleluya! “Etla, bea diatla tša Gago godimo ga gagwe, o tla ba gabotse.” A kgodišegile!

¹⁷³ O be a kwele ka Jesu. O tsebile mediro ya Gagwe. O be a le modumedi wa sephiri. Tlase ka pelong ya gagwe, o dumetše gore yola o be a le Morwa wa Modimo. O be a kgodišegile ka go tsenelela. Le a tseba, a seo ga se tlabe? Modimo o mo gapeleditše go taba.

¹⁷⁴ Modimo o tseba mokgwa wa go le gapeletša. Nnete. Dinako tše dingwe O go fa bolwetši, se sengwe le se sengwe gape, go no go gapeletša go yona, go bontšha mmala wa gago, se o lego.

¹⁷⁵ O mo gapeleditše. Jairo o be a gapeletšwa go e dumela. Kafao nako yeo o bontšitše se a bego a le sona. O rile, “Ge O ka tla, wa bea diatla tša Gago godimo ga mosetsana wa ka, le ge a hwile, o tla phela.” Oo, nna! Ke rata seo.

Ke a nagana, Maretā o boletše selo se se swanago.

Jesu o ile a kgodišega ka Lona, le yena.

¹⁷⁶ Lesole la Moroma, letona, o be a kgodišegile, ge feels a ka kgona go dira Jesu go bolela Lentšu. Theetšang lesole lela, Moroma, Montle, mohetene. O rile, “Ke nna monna ka tlase ga maatlataolo. Ke re go monna *yo*, lesole le, ‘Eya *mo*,’ gomme o a ya. Gomme ke re go *yo*, ‘Etla,’ gomme o a tla.” Gobaneng? O be a le ka godimo ga gagwe. O be a paka eng? “Jesu, O ka godimo ga malwetši ohle. O ka godimo ga bjona bjhohle. Ge nka no kgona go kwa O bolela Lentšu, mohlanka wa ka o tla phela. Ke kgodišegile go tsenelela.”

Gomme ka gona, ka morago ga tšeō tšohle, le bjale ga re kgodišege. Le a bona?

¹⁷⁷ E be e le eng? Jesu o rile yeo e be e le tumelo ye kgolo. Ga se A ke a hwetša yeo ka go Israele. “E no bolela Lentšu.”

¹⁷⁸ Še Yona, thwi *Fa*. “Ge o rapela, dumela gore o amogela se o se kgopetšego, gomme o tla ba le sona. Ge o re go thaba ye, ‘Suthišwa,’ gomme o sa kamake ka pelong ya gago, eupša o dumela gore se o se boletšego se tla phethega, o ka kgona go ba le se o se boletšego.”

¹⁷⁹ Gona ipole. Eng? “Ka megogoma ya Gagwe ke fodile. Ka mogau wa Gagwe ke phološitšwe. Ka tshepišo ya Gagwe ke tla obamela, gomme ke tla tlatšwa ka Moya wo Mokgethwa.” Ke lena bao, ge o kgodišegile gore O boloka Lentšu la Gagwe. Eupša sa pele o swanetše go kgodišega.

¹⁸⁰ Mosadi ka taba ya madi, o ile a kgodišega; ga go kgathale se rabi a se boletšego, le se moprista a se boletšego, le se monnamogatša wa gagwe a se boletšego, le se e ka ba mang gape a se boletšego. O rile, “Yoo ke Monna yo Mokgethwa. Yena ke Morwa wa Modimo. Gomme ge nka kgona go kgwatha morumo wa kobo ya Gagwe, seo ke sohle ke swanetšego go se dira. Ke kgodišegile ke tla fola.” Le ge ngaka a re a ka se fole, eupša o rile, “Nka fola ge nka no kgona go kgwatha morumo wa kobo ya Gagwe.” O ile a kgodišega.

¹⁸¹ Mosadi mo sedibeng o be a kgodišegile gore O be a le Mesia, ge a bone leswao lela la lengwalo, gore o tsebile se Mesia a bego a eya go ba sona. Bjalo ka ge ke boletše mosong wo, bophelo bjola bo kgethetšwegopele bo robetše kua. Gomme ka pejana ge a... Bjona, meetse a borutho a tšhologile... Meetse a botšididi, a ke re, a tšhologetše fase godimo ga Lentšu lela la bophelo le Modimo a le kgethetšego pele go tloga motheong wa lefase, o Le bone ka pela ka mokgwa *woo*. [Ngwanešu Branham o thwantšha

menwana ya gagwe—Mor.] Ge, go be go le badiredi fao, ba be ba sa Le bone; baprista bao ba bego ba sa Le bone; baprista ba bagolo ga se ba ke ba Le bona; banna ba bagolo ba baruti ga se ba ke ba Le bona; ba Le biditše “diabolo.” Gomme yola wa go šokiša, mmalegogwana yo monnyane ntle fale, Modimo o be a kgethetšepele yola go tloga motheong wa lefase. Ge o kile wa ba fao, o be o le gona, le wena.

¹⁸² Bjale, Beibele e rile, “Ka matšatšing a mafelelo, molwalekriste o tla ba wa bodumedi kudu, gomme kudu go swana le selo sa kgonthe, go fihla a tla fora le bona Bakgethiwa ge go be go kgonega.” Eupša, ga go kgonege. Yeo ke nnete. Gomme, “Bohle.” “O tla fora bohole, godimo ga lefase, bao maina a bona a bego a sa ngwalwa ka Pukung ya Kwana ya Bophelo.” Ge e sa le tsošeletšo ya mafelelo? Seo ga se kwagale boka Beibele, a se a dira? [Phuthego e re, “Aowa.”—Mor.] “Go tloga motheong wa lefase.” Ga o ye go ba fora, gobane ba robetše thwi ka go Lentšu lela. Ge ba bona dilo tše di tšwelela, Ke Bophelo, ba a Bo swara thwi bjale. [Ngwanešu Branham o thwantšha menwana ya gagwe.]

¹⁸³ Ba bangwe ba tla sepela go dikologa, ba re, “Aa, ga go selo go Seo. Huh!” Le a bona? Ga se ba kgodišega. Ga go selo fao go ba kgodiša. Ga go selo ka go bona, go dumela ka sona.

¹⁸⁴ Mme o be a fela a re, “O ka kgona bjang go hwetša madi go tšwa go segwere mola go se ne madi ka go sona?” Nnete.

¹⁸⁵ “Dinku tša Ka di kwa Segalontšu sa Ka.” Di tseba Lentšu. Segalontšu sa Gagwe ke eng? Sese Sona. Dithutotumelo tše ga di di latele. “Eupša, di kwa Segalontšu sa Ka, di a Se latela.”

¹⁸⁶ Mosadi mo sedibeng o be a kgodišegile ka go tsenelela. Morago o ile a amega gore batho ba gabu le bona gape ba tla bona leswao lela le go Le dumela, ka morago ga ge a kgodišegile gore Yoo e be e le Mesia. Ka gore, O mmoditše moo bothata bja gagwe bo bego bo le gona. O rile, “Mohlomphegi, re a tseba ge Mesia a etla, O tla dira seo.”

¹⁸⁷ O rile, “Ke nna Yena.” O tsebile monna yo a bego a ka kgona go dira selo seo ka nnete o be a tla bolela Therešo. Letago go Modimo! Ee, monna yo Modimo a tla mo šomišago ka mokgwa woo a ka se aketše. Nnete. O tla go botša Therešo. O rile, “Ke nna Yena.”

¹⁸⁸ Gomme o be a thanthsetšwe kudu ge Seetša sela se phulega go kgabola godimo ga Lentšu lela, o kitimetše ka toropongkgolo. O be a kgodišegile ka go tsenelela. Ge eba o be a swanetše go, goba aowa, o kitimetše ka toropongkgolo le go ba botša borabi le baprista, le banna bohole ka mekgotheng, banna ba mmarakeng, le godimo ka go krosari ye nngwe le ye nngwe. Gomme o ile godimo le fase mokgotheng, a paka, “Etlang, bonang Monna Yo a mpoditšeego dilo tše ke di dirilego. Tše Beibele ya gago. Lebelela ka go sekorolo. A yeo ga se Therešo, gore Yoo ke yena Mesia?” O

be a kgodišegile. O tla tsoga ka kahlolong le go ahlola batho ba dikete go tšwa United States mo. Ka nnete o tla dira.

¹⁸⁹ Le a tseba, Jesu o rile, “Kgošigadi ya borwa e tla tsoga ka kahlolong, go ba ahlola, gobane o tlie go kwa mpho ya bohlale, ye Salomo a bilego le yona, tlhatho.” Gomme o rile, “Yo mogolwane go Salomo o fa.” Nnete. Eupša go le bjalo batho ga se ba ke ba Mo dumela. Nnete.

¹⁹⁰ O be a kgodišegile, gomme o nyakile batho ba gagwe go kgodišega. Le a bona? Ka morago ga ge a kgodišegile, morago o ile a amega ka batho ba gagwe. O tsebile gore Yola e be e le Mesia. O tsebile seo ke se Beibele e rilego se tla direga ge Mesia a etla.

¹⁹¹ O rile, “Re tseba gore Mesia, yo a bitšwago Kriste, ge A etla, O tla re botša tšona dilo. Eupša O swanetše go ba o le moprofeta.”

Jesu o rile, “Ke nna Yena.”

¹⁹² Šole o be a kgodišegile. Gobane, o tsebile Lengwalo le boletše bjalo, gomme Le be le le fa. O be a kgodišegile, morago o ile a amega. O ile le go botša yo mongwe gape.

¹⁹³ Bjale, Jesu o ile a kgodišega gore O tla tsoga ka letšatši la boraro. O be a kgodišegile kudu, O rile, “Lena senyang tempele Ye, gomme Ke tla e tsoša ka letšatši la boraro.”

¹⁹⁴ Gobaneng? Dafida, ka Mangwalong, ka tlase ga tšhušumetšo, moprofeta. Dafida o be a le moprofeta, le a tseba. Dafida, ka tlase ga tšhušumetšo, o profetile, gomme o rile, “Nka se tlogele soulo ya Gagwe ka heleng, ebile Nka se lese Yo Mokgethwa wa Ka go bona go bola.”

¹⁹⁵ Gomme O tsebile gore nako ye nngwe mo diiring tše masomešupa pedi, pele go bola go etla ka mmeleng wola, O tla tsoga. Diiri tše masomešupa pedi ke matšatši le mašego a mararo. O rile, “E senyeng, gomme Ke tla e tsoša gape,” o kgodišegile ka go tsenelela, yeo ke nnete, gore O tla e tsoša gape. O tsebile Mangwalo a ka se palelwe. Haleluya!

¹⁹⁶ Ke kgodišegile gore O a swana maabane, lehono, le go ya go ile. Ke kgodišegile, ka bodireding le Molaetša, wo ke o rerago, ke kgodišegile gore Ke Therešo. Ke kgodišegile gore dipono tše di tšwa go Modimo. Ke kgodišegile re phela mo matšatšing a mafelelo. Ke kgodišegile gore wona Moya wo o lego godimo ga ka bjale ke Moya wo Mokgethwa. Letago!

¹⁹⁷ Ke kgodišegile go tsenelela. Ke kgodišegile gore tsela ya Moya wo Mokgethwa e lokile. Ke kgodišegile gore tsela ya Beibele ke Therešo. Ke kgodišegile gore Yo ke Jesu Kriste mo bjale. Ke kgodišegile. Ge re Mo dumetše ka motsotso wo, ke kgodišegile gore O tla fodiša motho yo mongwe le yo mongwe a babjago ka nakwana, ponyo ya leihlo. Ke kgodišegile O tla tšhollela Moya wo Mokgethwa ntle godimo fa, go fihla go tla ba go goeletša go go bjalo, go fihla go thata go bolela se se tla diregago.

¹⁹⁸ Ke kgodišegile. Ke e dumela ka pelo ya ka yohle, e sego ka gobane ke mokgalabje. Ke rerile ye ge ke be ke sa le segotlane, ke se ka godimo ga mengwaga ye masomepedi bogolo. Ke kgodišegile ge e sa le letšatši lela A kopanego le nna nokeng. Haleluya! Ke kgodišegile gore O fa bjale. Ke kgodišegile. Gomme Pilara yela ya Mollo ke Pilara ya Mollo ya go swana ye e bego e na le Israele ka lešokeng, ke Pilara ya Mollo ya go swana e na le Kereke lehono. Letago! Ke kgodišegile Ke nnete. Ke file bophelo bja ka bakeng sa Yona. Ke tlogetše legae le se sengwe le se sengwe gape, ke fa se sengwe le se sengwe sa ka go Yona. Ke kgodišegile Ke Therešo.

¹⁹⁹ Ke kgodišegile O fa bjale. Ke kgodišegile gore Moya wo woo o lego fa bjale ke Moya wo Mokgethwa. Ke kgodišegile gore re kolobeletšwa ka go Moya wa Gagwe thwi bjale. Ke a tseba Ke Therešo. Ke kgodišegile go tsenelela gore Jesu Kriste o a swana maabane, lehono, le go ya go ile. Ke kgodišegile, ke kgodišegile ka go phethagalo.

²⁰⁰ Morongwa yola o kopane le nna godimo kua le go mpotša se A se dirilego. Ke eme pele ga bahetene ka dikete, le masome a dikete. O re, “A ga o boife?” Aowa, mohlomphegi. Ke kgodišegile gore Le tšwa go Modimo. Ke kgodišegile gobane Le be le le Lengwalo. Ke kgodišegile gore Ke Morongwa wa Morena. Ke e dumela ka tšohle tše di lego ka pelong ya ka. Amene. Ke kgodišegile, ge re ka kgopela Modimo eng kapa eng, O tla re fa yona. Le no tšhoga. Le se ke la tšhoga. O mo.

²⁰¹ Ke kgodišegile gore wona Moya wo le ikwelago wona, Moya wo Mokgethwa wo o sepelelagoo ka go rena, ke kgodišegile gore Yoo ke Kriste. Amene. Ke kgodišegile gore gonabjale, gore, Se ke se ke se lebeletšego, ntikodiko ye ya Seetsa pele ga ka, ke kgodišegile woo ke Moya wo Mokgethwa. Ke kgodišegile gore pono e godimo ga mahlo a ka. Ke a tseba O gona. Amene. Ke hlohla diabolo yo mongwe le yo mongwe ka lefaseng, iring ye. Nnete! Yena ke Modimo. Kriste ga a no ba moperfeta, Yena ke Modimo, ga se gona se hlaetšago go yona.

²⁰² A re inamišeng dihlogo tša rena feela nakwana. Ke no se kgone go rera gape. Hmm! Tlotšo ye bjalo! [Ga go selo go theipi—Mor.]

²⁰³ A go šegofatšwe Leina la Morena! Ke kgodišegile go tsenelela gore Yena ke Jesu Kriste, wa go swana maabane, lehono, le go ya go ile!

²⁰⁴ Tate wa Legodimong, ke kgodišegile Ke Wena. Ke a rapela, Modimo, gore ge ke tloga sefaleng se, bosegong bjo, gore O tla dira se sengwe sa go ikgetha. Netefatša go batho, gatee gape, gore Ke Wena. Ke neela batheeletši ba go Wena. Morena, re ka diatleng tša Gago. Dira ka rena bjalo ka ge O bona go swanetše. Leineng la Jesu. Amene.

Se sengwe se diregile. Ke kgodišegile gore Modimo o mo.

²⁰⁵ A o file ntle dikarata tša thapelo, dikarata e ka ba dife tša thapelo? [Yo mongwe o re, “Aowa.”—Mor.] Aowa. Ga re di hloke. Ke kgodišegile gore O mo. A le a e dumela?

²⁰⁶ Ge o kgotšwe ka go tsenelela, e re, “Jesu, ke a Go kgwatha, ka maikutlo a mabofokodi a ka. Ke a dumela gore Ngwanešu Branham o boletše Therešo. O no ba motho. Wena o Modimo. Eupša ke a dumela o boletše Therešo, gobane Ke Lentšu. A nke e direge, Morena. A nke a bolele le nna le go mpotša. Ntire ke kgodišegile.”

²⁰⁷ Sese Sona, se šetše se le ka kopanong. Mohumagadi yola a dutšego fale, o rapelela seemo sa letšhogo. Mosetsana wa gagwe yo monnyane, le yena, ga se a felela. O ya go e dumela? Mme wa go babja ka gae. Eba le tumelo. Se belaele. O ka ba le se o se kgopelago.

²⁰⁸ Ke kgodišegile gore Morongwa wa go swana yo a tlilego fase ka sebopego sa Monna gomme a bolela le Abraham, ka mokokotlo wa Gagwe o šotologetše tente, ke Yena wa go swana fa bošengong bjo. O tshepišitše go tla ba. Ke a dumela gore Morongwa yola wa go swana o a re tlotša, gobane E be e le Modimo. A le a e dumela? Go lokile, Sarah, ka fa felotsoko, o bolela le Modimo. Ke kgodišegile, kgaetšedi. Ke kgodišegile ngwanešu, ke a tseba ke Therešo. Ka kgonthe ke yona.

²⁰⁹ Go ne mohumagadi o dutše ka morago ga ka. O ne bothata bja pelo. O dutše thwi ka morago ga ka. Ga ke mo tsebe. O ema ka pele ga ka. Ke mosadi wa mengwaga ya magareng. Ga a tšwe mo. O tšwa Virginia. Mdi. Fox, Jesu Kriste o go dira o fole. O dutše thwi ka mo. A re boneng. Yo ke yena, thwi *mo*. Dumela.

²¹⁰ A o a dumela? “Ge o ka kgona go dumela, dilo tšohle di a kgonega.”

²¹¹ O nagana eng ka yona, mohumagadi? A wena le nna re basetsebane, yo motee go yo mongwe? A o ntumela go ba moprofeta wa Gagwe? O a dira? O na le bothata bja hlogo. Yeo ke nnete. Leina la gago o Mdi. Moore. Ge seo e le nnete, phagamiša seatla sa gago. Eya gae. Fola.

A o a dumela?

²¹² Bjale yo mongwe godimo fa, pele ga ka fa. Še yona, yo mongwe. Ke mosadi. O na le kankere godimo ga letswele. Mdi. Rhodes, dumela go Morena Jesu Kriste. Ga ke tsebe mosadi. Modimo o a mo tseba. “Wena o ka kgona go dumela, dilo tšohle di a kgonega.” Nnete.

²¹³ Monna a dutšego mošola, a rapela, go tšwa Tulsa. Mna. Harwood, dumela go Morena Jesu Kriste. Sepela, dirwa go fola. Eba le tumelo. Seo ke sohle o nago naso. Ga ke tsebe monna, ga se nke ka ke ka mmona bophelong bja ka. Re basetsebane. Eupša yeo ke nnete. Gobaneng? O kgwathile Sengwe.

²¹⁴ A le kgodišegile? [Phuthego e re, “Amene.”—Mor.] A le kgodišegile gore Modimo o boloka Lentšu la Gagwe? [“Amene.”] Ge le kgodišegile, ke ba bakae ba lena ba nago le tlhoko?

²¹⁵ Bjale, ka kgonthe, bjalo ka ge mosadi a naganne mo sedibeng... Botšišang batho ba. Eyang, bolelang le bona, e ka ba kae ba...

²¹⁶ Ke bona yo mongwe. Ee, yo mongwe. Theetšang, bonang ge eba ke nnete goba aowa. Bjale Se dikologa moago. Moago ka moka o tloditšwe, lefelo ka moka. Ke kgodišegile gore Bogona bja Jesu Kriste bo tla fodiša motho yo mongwe le yo mongwe mo.

²¹⁷ A le kgodišegile go swana? Le kgodišegile ke le botša Therešo? Modimo o a hlatsela gore ke le botša Therešo? Ka gona, ke a laela gore le eme ka maoto a lena gomme le amogele phodišo ya lena, Leineng la Jesu Kriste. Ge le kgodišegile, phagamišetšang diatla tša lena godimo go Yena, gomme Mo feng tumišo.

²¹⁸ Tate wa Legodimong, Moya wo Mokgethwa, tlatša moago wo. Ba kgodišegile gore Sathane o fentšwe.

²¹⁹ Leineng la Jesu Kriste, Sathane, tšwela ka ntle ga lefelo le mo. Re kgodišegile gore bjo ke Bogona bja Jesu Kriste mo. Gomme go tla dirwa. Amene.



Go KGODIŠEGA MORAGO Go AMEGA NST62-0610E
(Convinced Then Concerned)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mantšiboa, June 10, 1962, ka Aberdeen High School ka Aberdeen, North Carolina, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org